

大慈恩寺三藏法師傳

下

卷

C40
4514
189



80

1 2 3 4 5 6 7 8 9

90

1 2 3 4 5 6 7 8 9

100

1 2 3 4 5 6 7 8 9

C40-46-14



64853

大慈恩寺三藏沙門惠立碑
而傳卷第六

唐 沙門 惠立 本 碑

彥悰篆

起十九年春正月入西京終二十二年夏六月

當山再鑿千弊鑿合

盛學不增出對內

好述笑談到家常中本

榮喜置友依指泰山

徑像至乃遣右武侯大將軍侯

莫陳序

王仲宣讀不盡文言

京子京城留守左僕射梁國公

房玄齡

宋書置友依指泰山

徑像至乃遣右武侯大將軍侯

莫陳序

王仲宣讀不盡文言

京子京城留守左僕射梁國公

房玄齡

宋書置友依指泰山

了翁一座譜大藏及有
家書置武州紫雲山
我微笑塔院直房中未
為學者不敢許出院內
當山二世鐵牛機謹誌

大慈恩寺三藏法師傳卷第六

唐

沙門

惠立

本

釋

彥悰笑

謝御製經序并答

貞觀十九年春正月景子京城留守左僕射梁國公房玄齡等承法師齋經像至乃遣右武侯大將軍侯莫陳寔雍州司馬李叔慎長安縣令李乾祐奉迎自漕而入舍於都亭驛其從若雲是日有司頒諸寺具張輿花旛等擬送經像于弘福人皆欣踊各競莊嚴翌日大會於朱雀街之南凡數百件部伍陳列卽以

安置法師於西域所得如來肉舍利一百五十粒摩
揭陀國前正覺山龍窟留影金佛像一軀通光座高
三尺三十擬婆羅泥斯國鹿野苑初轉法輪像刻檀
佛像一軀通光座高三尺有五寸擬憍賞彌國出愛
王思慕如來刻檀寫真像刻檀佛像一軀通光座高
二尺九寸擬劫比他國如來自天宮下降寶階像銀
佛像一軀通光座高四尺擬摩揭陀國鷲峰山說法
華等經像金佛像一軀通光座高三尺五寸擬那揭
羅曷國伏毒龍所留影像刻檀佛像一軀通光座高
尺有三寸擬吠舍釐國巡城行化刻檀像等又安置

法師於西域所得大乘經二百二十四部大乘論一
百九十二部上座部經律論一十五部三彌底部經
律論一十五部彌沙塞部經律論二十二部迦葉臂
耶部經律論一十七部法密部經律論四十二部說
一切有部經律論六十七部因明論三十六部聲論
一十三部凡五百二十夾六百五十七部以二十疋
馬負而至其日所司普頒諸寺但有寶帳幢旛供養
之具限明二十八日旦並集朱雀街擬迎新至經像
於弘福寺於是人增勇銳各競莊嚴窮諸麗好旛帳
幢蓋寶案寶輦寺別將出分布訖僧尼等整服隨之

雅梵居前薰爐列後至是並到朱雀街內凡數百事
 布經像而行珠珮流音金花散彩預送之儔莫不謁
 詠希有忘塵遣累歎其希遇始自朱雀街內終屆弘
 福寺門數十里間都人士子內外官僚列道兩傍瞻
 仰而立人物闐闔所司恐相騰踐各令當處燒香散
 花無得移動而煙雲讚響處處連合昔如來創降迦
 毗彌勒初昇覩史龍神供養大眾圍繞雖不及彼時
 亦遺法之盛也其日衆人同見天有五色綺雲現於
 日北宛轉當經像之上紛紛郁郁周圍數里若迎若
 送至寺而微釋彥悰箋述曰余考尋圖史此蓋謂天

之喜氣識者嘉焉昔如來創降迦維慈氏將昇覩史
 龍神供養天衆奉迎雖不及往時而遺法東流未有
 若茲之盛也壬辰法師謁文武聖皇帝於洛陽宮二
 月己亥見於儀鸞殿帝迎慰甚厚旣而坐訖帝曰師
 去何不相報法師謝曰玄奘當去之時以再三表奏
 但誠願微淺不蒙允許無任慕道之至乃輒私行專
 檄之罪唯深慙懼帝曰師出家與俗殊隔然能委命
 求法惠利蒼生朕甚嘉焉亦不煩爲愧但念彼山川
 阻遠方俗異心怪師能達也法師對曰奘聞乘疾風
 者造天池而非遠御龍舟者涉江波而不難自陛下

握乾符清四海德籠九域仁被八區淳風扇炎景之南聖威震葱山之外所以戎夷君長每見雲翔之鳥自東來者猶疑發於上國斂躬而敬之况玄奘圓首方足親承化者也旣賴天威故得往還無難帝曰此自是師長者之言朕何敢當也因廣問彼事自雪嶺已西印度之境玉燭和氣物產風俗八王故跡四佛遺蹤並博望之所不傳班馬無得而載法師旣親遊其地觀覩疆邑耳聞目覽記憶無遺隨問酬對皆有條理帝大悅謂侍臣曰昔苻堅稱釋道安爲神器舉朝遵之朕今觀法師詞論典雅風節貞峻非惟不

愧古人亦乃出之更遠時趙國公長孫無忌對曰誠如聖旨臣嘗讀三十國春秋見叙安事實是高行博物之僧但彼時佛法來近經論未多雖有鑽研蓋其條葉非如法師躬窺淨域討衆妙之源究泥洹之跡者矣帝曰公言是也帝又謂法師曰佛國遐遠靈跡法教前史不能委詳師旣親覩宜修一傳以示未聞帝又察法師堪公輔之寄因勸罷道助秉俗務法師謝曰玄奘少踐緇門服膺佛道玄宗是習孔教未聞今遣從俗無異乘流之舟使棄水而就陸不唯無功亦徒令腐敗也願得畢身行道以報國恩玄奘之幸

甚如是固辭乃止時帝將問罪遼濱天下兵馬已會
 於洛軍事忙追聞法師至命引入朝暫相見而清言
 既交遂不知日晏趙國公長孫無忌奏稱法師停在
 鴻臚日暮恐不及帝曰忽忽言猶未盡意欲共師東
 行省方觀俗指麾之外別更談叙師意如何法師謝
 曰玄奘遠來兼有疾疹恐不堪陪駕帝曰師尚能孤
 遊絕域今此行蓋同跬步安足辭焉法師對曰陛下
 東征六軍奉衛罰亂國誅賊臣必有牧野之功昆陽
 之捷玄奘自度終無裨助行陣之効虛負塗路費損
 之慙加以兵戎戰鬪律制不得觀看既佛有此言不

敢不奏伏願天慈哀矜卽玄奘幸甚帝信納而止法
 師又奏云玄奘從西域所得梵本六百餘部一言未
 譯今知此嵩嶽之南少室山此有少林寺遠離廓落
 泉石清閑是後魏孝文皇帝所造卽菩提留支三藏
 翻譯經處玄奘望其國就彼翻譯伏聽勅旨帝曰不
 須在山師西方去後朕奉爲穆太后於西京造弘福
 寺寺有禪院甚虛靜法師可就翻譯法師又奏曰百
 姓無知見玄奘從西方來妄相觀看遂成鬪鬭非直
 違觸憲綱亦爲妨廢法事望得守門以防諸過帝大
 悅曰師此意可爲保身之言也當爲處分師可三五

日停憩還京就弘福安置諸有所須一共玄齡平章
自是辭還矣三月己巳法師自洛陽還至長安卽居
弘福寺將事翻譯乃條疏所須證義綴文筆受書手
等數以申留守司空梁國公房玄齡玄齡遣所司具
狀發使定州啓奏令旨依所須供給務使周備夏六
月戊戌證義大德詣解大小乘經論爲時輩所推者
一十二人至卽京弘福寺沙門靈潤沙門文備羅漢
寺沙門慧貴實際寺沙門明琰寶昌寺沙門法祥靜
法寺沙門普賢法海寺沙門神昉廓州法講寺沙門
道深汴州演覺寺沙門玄忠蒲州普救寺沙門神泰
寺沙門敬明益州多寶寺沙門道因等又有
綿州振音寺沙門敬明益州多寶寺沙門道因等又
有綴文大德九人至卽京師普光寺沙門栖玄弘福
寺沙門明璿會昌寺沙門辯機終南山豐德寺沙門
道宣簡州福聚寺沙門靜邁蒲州普救寺沙門行友
棲嚴寺沙門道卓幽州照仁寺沙門慧立洛州天宮
寺沙門玄則等又有字學大德一人至卽京大總持
寺沙門玄應又有證梵語梵文大德一人至卽京大
興善寺沙門玄暮自餘筆受書手所司供料等並至
丁卯法師方操貝葉開演梵文創譯菩薩藏經佛地
經六門陀羅尼經顯揚聖教論等四部其翻六門經

大藏經卷之三十六

六

有六

當日了佛地經至辛巳了菩薩藏經顯揚論等歲暮方訖二十年春正月甲子又譯大乘阿毗達磨雜集論至二月訖又譯瑜伽師地論秋七月辛卯法師進新譯經論現了者表曰沙門玄奘言竊聞八正之旨實出苦海之津梁一乘之宗誠涅槃之梯蹬但以物機未熟致蘊葱山之西經胥庭而莫聞歷周秦而靡至暨乎摩騰入洛方被三川僧會遊吳始露荆楚從是已來遂得人修解脫之因家樹菩提之業固知傳法之益其利博哉次復嚴顯求經澄什繼譯雖則玄風日扇而並處僞朝唯玄奘輕生獨逢明聖所將經論咸得奏聞蒙陛下崇重聖言賜使翻譯比與義學諸僧等專精夙夜無墮寸陰雖握管淹時未遂終訖已絕筆者見得五部五十八卷名曰大菩薩藏經二十卷佛地經一卷六門陀羅尼經一卷顯揚聖教論二十卷大乘阿毗達磨雜集論一十六卷勒成八袞繕寫如別謹詣闕奉進玄奘又竊見弘福寺尊像初成陛下親降鑿輿開青蓮之目今經論初譯爲聖代新文敢緣前義亦望曲垂神翰題製一序讚揚宗極冀沖言奧旨與日月齊明玉宇銀鈞將乾坤等固使百代之下誦詠不窮千載之外瞻仰無絕前又洛陽

撰述

大慈恩寺三藏法師傳卷六

十一

有

奉見日勅令法師修西域記至是而成乙未又進表曰沙門玄奘言竊尋蟠木幽陵雲官紀軒皇之壤流沙滄海夏載著伊堯之城西母白環薦垂衣之主東夷楛矢奉刑措之君固以飛英曩代式微前典伏惟陛下握紀乘時提衡範物剗舟絃木威天下而濟羣生蟄足蘆灰埋方輿而補圓蓋耀武經於七德闡文教於十倫澤漏泉源化霑蕭葦芝房發秀浪井開花樂固馴班巢阿響律浮紫膏於貝闕霏白雲於玉檢遂苑弱木而池濛汜圃炎火而照積冰梯赤坂而承朔泛滄津而委贐史曠前良事絕故府豈如漢開張

拔近接金城秦戍桂林纔通珠浦而已玄奘幸屬天地貞觀華夷靜謐冥心梵境敢符好事命均朝露力譬秋螽徒以憑假皇靈飄身進影展轉膜拜之鄉流離重譯之外條支巨殼方驗前聞罽賓孤鸞還稽曩實時移歲積人願天從遂得下雪岫而泛提河窺鶴林而觀鷲嶺祇園之路髣像猶存王城之基坡陀尚在尋求歷覽時序推遷言返帝京淹逾一紀所聞所履百有二十八國竊以章允之所踐籍空陳廣袤夸父之所陵厲無述土風班超侯而未遠張騫望而非博今所記述有異前聞雖未極大千之疆頗窮葱外

撰述

大慈學三藏法師集卷

八

卷六

之境皆存實錄匪敢彫華謹具編裁稱爲大唐西域記凡一十二卷繕寫如別望班之右筆飾以左言掩博物於晉臣廣九丘於皇代但玄奘資識淺短遺漏寔多兼拙於筆語恐無足觀覽景申神筆自答書曰省書具悉來意法師夙標高行早出塵寰泛寶舟而登彼岸揆妙道而闢法門弘闡大猷蕩滌衆罪是故慈雲欲卷舒之蔭四空慧日將昏朗之照八極舒朗之者其唯法師乎朕學淺心拙在物猶迷況佛教幽微豈能仰測請爲經題非已所聞又云新撰西域記者當自披覽勅獎尚

丁酉法師重表曰沙門玄奘言伏奉墨勅猥垂獎喻祇奉綸言精守振越玄奘業行空疎謬忝縉侶幸屬九瀛有截四表無虞憑皇靈以遠征恃國威而訪道窮遐冒險雖厲愚誠纂異懷荒寔資朝化所獲經論蒙遣翻譯見成卷軸未有銓序伏惟陛下叡思雲敷天萃景爛理包繫象調逸咸英跨千古以飛聲掩百王而騰實竊以神力無方非神思不足銓其理聖教玄遠非聖藻何以序其源故乃冒犯威嚴敢希題目宸睠冲邈不垂矜許撫躬累息相顧失圖玄奘聞日月麗天旣分暉於戶牖江河紀地亦流潤於巖崖雲

和廣樂不祕響於鼙昧金璧奇珍豈韜彩於愚瞽敢
 緣斯理重以干祈伏乞雷雨曲垂天文俯照配兩儀
 而同久與二曜而俱懸然則鷺嶺微言假神筆而弘
 遠鷄園奧典託英詞而宣暢豈止區區梵衆獨荷恩
 榮蠢蠢迷生方超塵累而已自此方許二十二年春
 駕幸玉華宮夏五月甲午翻瑜伽師地論訖凡一百
 卷六月庚辰勅追法師赴宮比發在途屢有使至令
 緩進無得勞損旣至見於玉華殿甚歡帝曰朕在京
 苦暑故就此山宮泉石旣涼氣力稍好能省覽機務
 然憶法師故遣相屈涉途當大勞也法師謝曰四海

黎庶依陛下而生聖躬不安則率土惶灼伏聞鑾輦
 至此御膳順宜凡預含靈孰不蹈舞願陛下永保崇
 高與天無極玄獎庸薄猥蒙齒召銜荷不覺爲勞帝
 以法師學業該贍儀韻淹深每思逼勸歸俗致之左
 右共謀朝政往於洛陽宮奉見之際以親論之至是
 又言曰昔堯舜禹湯之君隆周炎漢之主莫不以爲
 六合務廣萬機事殷兩目不能遍鑒一心難爲獨察
 是以周憑十亂舜託五臣翼亮朝猷弼諸邦國彼明
 王聖主猶仗羣賢況朕寡聞而不寄衆哲者也意欲
 法師脫須菩提之染服掛維摩詰之素衣昇鉉路以

陳謨坐槐庭而論道於意何如法師對曰陛下言六合務廣三五之君不能獨守寄諸賢哲共而成之仲尼亦云君失臣得故君爲元首臣爲股肱玄獎謂此言將識中庸非爲上智若使有臣皆得桀紂豈無臣耶以此而推不必由也仰惟陛下上智之君一人紀綱萬事自得其緒況撫運已來天地休平中外寧晏皆是陛下不荒不姪不麗不侈兢兢業業雖休勿休居安思危爲善承天之所致也餘何預哉請辯二三以明其事陛下經緯八紘之畧驅駕英豪之才冠定禍亂之功崇闡雍熙之業聰明文思之德體元合極

之姿皆天之所授無假於人其義一也敦本棄末尚仁尚禮移澆風於季俗反淳政於上皇賦遵薄制刑用輕典九州四海稟識懷生俱沐恩波咸遂安樂此又聖心聖化無假於人其義二也至道旁通深仁遠治東逾日域西邁崑丘南盡炎洲北窮玄塞彫蹄鼻飲之俗卉服左衽之人莫不候雨瞻風稽頽屈膝獻珍貢寶充委夷邸此又天威所感無假於人其義三也獫狁爲患其來自久五帝所不臣三王不能制遂使河洛爲被髮之野鄴鄗爲鳴鏑之場中國陵遲兒奴得志殷周已來不能攘弭至漢武窮兵衛霍盡力

韓詩

卷之六

卷之六

雖毀枝葉根本猶存自後已來無聞良策及陛下御圖一征斯殄傾巢倒穴無復子遺瀚海燕然之域並入提封單于弓騎之人俱充臣妾若言由臣則虞夏已來賢輔多矣何因不獲故知有道斯得無假於人其義四也高麗小蕃失禮上國隋帝總天下之師三自征伐攻城無傷半堞掠卒不獲一人虛喪六軍狼狽而反陛下暫行將數萬騎摧駐蹕之強陣破遼蓋之堅城振旅凱旋俘馘三十萬衆用兵御將其道不殊隋以之亾唐以之得故知由主無假於人其義五也又如天地交泰日月光華和氣氤氳慶雲紛郁四

靈見質一角呈奇白狼白狐朱鷹朱草昭彰雜沓無量億千不能遍舉皆是應德而至無假於人乃欲比喻前王寄功十亂竊爲陛下不取縱復須人今亦伊呂多矣玄奘庸陋何足以預之至於守戒縉門闡揚遺法此其願也伏乞天慈終而不奪帝甚悅謂法師曰師向所陳並上玄垂祐及宗廟之靈卿士之力朕安能致也旣欲敷揚妙道亦不違高志可努力今日已後亦當助師弘道釋彥悰箋述曰法師才兼内外臨機酬答其辯洽如是難哉昔道安陳諫符堅之駕不停恒標奮詞姚興之心莫止終致敗軍之辱逃遁

80 1 2 3 4 5 6 7 8 9 100 1 2 3 4 5 6 7 8 9 100

之勞豈如法師雅論纔申皇情允塞清風轉潔美志
踰貞以此而言可不煩耳目而優劣見矣時中書令
褚遂良奏曰今四海廓清九域寧晏皆陛下聖德實
如師言臣等備位而已日月之下螢爝何功帝笑曰
不如此夫珍裘非一狐之腋大厦必衆材共成何有
君能獨濟師欲自全雅操故濫相光飾耳帝又問法
師比翻何經論答近翻瑜伽師地論訖凡一百卷帝
曰此論甚大何聖所說復明何義答曰論是彌勒菩
薩說明十七地義又問何名十七地答謂五識相應
地意識相應地有尋有伺地無尋唯伺地無尋無伺

地三摩呬多地非三摩呬多地有心地無心地聞所
成地思所成地修所成地聲聞地獨覺地菩薩地有
餘依地無餘依地及舉綱提目陳列大義帝深愛焉
遣使向京取瑜伽論論至帝自詳覽覩其詞義宏遠
非從來所聞歎謂侍臣曰朕觀佛經譬猶瞻天瞰海
莫測高深法師能於異域得是深法朕比以軍國務
殷不及委尋佛教而今觀之宗源杳曠靡知涯際其
儒道九流之典猶汀澧之池方溟渤耳而世云三教
齊致此妄談也因勅所司簡祕書省書手寫新翻經
論爲九本與雍洛并充相荆揚涼益等九州展轉流

通使率土之人同稟未聞之義時司徒趙國公長孫無忌中書令褚遂良等奏曰臣聞佛教冲玄天人莫測言本則甚深語門則難入伏惟陛下至道昭明飛光昱日澤霑遐界化溢中區擁護五乘建立三寶故得法師當叔葉而秀質間千載而挺生陟重阻以求經履危途而訪道見珍殊俗具獲真文歸國翻宜若菴園之始說精文奧義如金口之新開皆是陛下聖德所感臣等愚瞽預此見聞苦海波瀾舟航有寄又天慈廣遠使布之九州蠢蠢黔黎俱餐妙法臣等億劫希逢不勝幸甚帝曰此是法師大慈願力又卿等宿福所逢非朕獨所致也帝先許作新經序國務繁劇未及措意至此法師重啓方爲染翰少頃而成名大唐三藏聖教序凡七百八十一字自神筆自寫勅貫衆經之首帝居慶福殿百官侍衛命法師坐使弘文館學士上官儀以所製序對羣僚宣讀霞煥錦舒極褒揚之致其詞曰蓋聞二儀有象顯覆載以含生四時無形潛寒暑以化物是以窺天鑑地庸愚皆識其端明陰洞陽賢哲罕窮其數然而天地苞乎陰陽而易識者以其有像也陰陽處乎天地而難窮者以其無形也故知像顯可徵雖愚不惑形潛莫覩在智

撰述

大慈院三藏法師集卷之二

十一

卷之二

猶迷況乎佛道崇虛乘幽控寂弘濟萬品典御十方
舉威靈而無上抑神力而無下大之則彌於宇宙細
之則攝於毫釐無滅無生歷千劫而不古若隱若顯
運百福而長今妙道凝玄遵之莫知其際法流湛寂
挹之莫測其源故知蠢蠢凡愚區區庸鄙投其旨趣
能無疑惑者哉然則大教之興基乎西土騰漢庭而
皎夢照東域而流慈昔者分形分跡之時言未馳而
成化當常現常之世人仰德而知遵及乎晦影歸真
遷儀越世金容掩色不鏡三千之光麗像開圖空端
四八之相於是微言廣被極含類於三途遺訓遐宣

導羣生於十地然而真教難仰莫能一其旨歸曲學
易遵邪正於焉紛糺所以空有之論或俗習而是非
大小之乘乍沿時而隆替有玄奘法師者法門之領
袖也幼懷貞敏早悟三空之心長契神情先包四忍
朗潤故以智通無累神測未形超六塵而迥出隻千
古而無對凝心內境悲正法之凌遲栖慮玄門慨深
文之訛謬思欲分條析理廣彼前聞截僞續真開茲
後學是以翹心淨土往遊西域乘危遠邁杖策孤征
積雪晨飛塗間失地驚砂夕起空外迷天萬里山川

撰述

卷之三

三

有六

撥煙霞而進影百重寒暑躡霜露而前蹤誠重勞輕求深願達周遊西宇十有七年窮歷道邦詢求正教雙林八水味道餐風鹿苑鷺峰瞻奇仰異承至言於先聖受真教於上賢探頤妙門精窮奧業一乘五律之道馳驟於心田八藏三篋之文波濤於口海爰自所歷之國總將三藏要文凡六百五十七部譯布中夏宣揚勝業引慈雲於西極注法雨於東垂聖教缺而復全蒼生罪而還福濕火宅之乾燄共拔迷途朗愛水之昏波同臻彼岸是知惡因業墮善以緣昇昇墜之端唯人所託譬夫桂生高嶺零露方得滋其華

蓮出綠波飛塵不能汚其葉非蓮性自潔而桂質本貞良由所附者高則微物不能累所憑者淨則濁類不能霑夫以卉木無知猶資善而成善況乎人倫有識不緣慶而成慶方冀茲經流施將日月而無窮斯福遐敷與乾坤而永大時法師旣奉序表謝曰沙門玄奘言竊聞六爻探頤局於生滅之場百物正名未涉眞如之境猶且遠徵犧冊覩奧不測其神遐想軒圖歷遷並歸其美伏惟皇帝陛下玉毫降質金輪御天廓先王之九洲掩百千之日月廣列代之區域納恒沙之法界遂使給園精舍並入提封貝葉靈文咸

80 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

撰述

大慈恩寺三藏法師傳

卷六

補文

歸冊府玄奘往因振錫聊謁崛山經途萬里恃天威
如咫步匪乘千葉詣雙林如食頃摻揚三藏盡龍宮
之所儲研究一乘窮鷺嶺之遺旨並已載於白馬還
獻紫宸尋蒙下詔賜使翻譯玄奘識乖龍樹謬忝傳
燈之榮才異馬鳴深愧瀉瓶之敏所譯經論紕舛猶
多遂荷天恩留神構序文超象繫之表理括衆妙之
門忽以微生親承梵響踊躍歡喜如聞授記無任欣
荷之極謹奉表詣闕陳謝以聞帝看表後手報書曰
朕才謝珪璋言慚博達至於內典尤所未閑昨製序
文深爲鄙拙唯恐穢翰墨於金簡標瓦礫於珠林忽

得來書謬承褒讚循躬省慮彌益厚顏善不足稱空
勞致謝

大慈恩寺三藏法師傳卷第六

音釋

闡	闡	闡徒堅切滿也
闡	闡烏結切塞也	覲見也
也	暮	莫胡切
也	暮	暮除失切苦
堙	堦	堦於真切
堙	堦	堦塞也
安	袞	安切
也	袞	袞職戎切
也	袞	袞蠅屬切
睂	睂	睂居倦切
睂	睂	睂顧念也
八	鉉	鉉胡大切
八	鉉	鉉鼎鉉也
外	鉉	鉉八黃之
有	鉉	鉉汝鵠切
八	鉉	鉉衣襟也
外	鉉	鉉八絃之
有	鉉	鉉外有八絃也
八	鉉	鉉鉉戶切
外	鉉	鉉鉉戶萌切
有	鉉	鉉鉉州之外有
八	鉉	鉉鉉古弘切
外	鉉	鉉鉉紳州之外有
有	鉉	鉉鉉余準
八	鉉	鉉鉉虛檢切
外	鉉	鉉鉉北夷也
有	鉉	鉉鉉次也
八	鉉	鉉鉉九

初述

大慈恩寺三藏法師傳卷第七

七

卷一百一十五

鄙豐字弓切鄙合老丁狄切
切鄙並地名**鎬**矢鋒也**單于**單市連切單于匈奴號也**駐蹕**駐中句切蹕壁吉
切駐蹕遼東地名**烽**卽略切又苦暫切
謂草所燒也**燭**火炬也取視也
烏定切汀燭**許讐**昌兗切錯也**舛**昌兗切**切**錯也**嘉**善縣居士蔣茂**蔣玉灤**蔣玉節全資助刻**計**字六千七百七
計十三個該銀三兩四錢一分八厘伏願**諸**根頓淨福慧齊圓一切有情同登正覺者**求寂子**常孚對**崇**禎八年孟冬月徑山化城寺誠**大慈恩寺三藏法師傳卷第七****唐****沙門****惠立****本釋****彥悰箋**

興起二十二年夏六月皇太子製述聖記終永徽五年春二月法師答書
二十二年夏六月天皇大帝居春宮奉觀聖文
又製述聖記其詞曰

夫顯揚正教非智無以廣其文崇闡微言非賢莫能定其旨蓋真如聖教者諸法之玄宗衆經之軌躅也綜括宏遠奧旨遐深極空有之精微體生滅之機要詞茂道曠尋之者不究其源文顯義幽履之者莫測

撰述

卷之三

三

其際故知聖慈所被業無善而不臻妙化所敷緣無惡而不剪開法網之綱紀弘六度之正教拯羣有之塗炭啓三藏之祕局是以名無翼而長飛道無根而永固道名流慶歷遂古而鎮常赴感應身經塵劫而不朽晨鍾夕梵交二音於鷲峰慧日法流轉雙輪於鹿苑排空寶蓋接翔雲而共飛莊野春林與天花而合彩伏惟皇帝陛下上玄資福垂拱而治八荒德被黔黎斂衽而朝萬國恩加朽骨石室歸貝葉之文澤及昆蟲金匱流梵說之偈遂使阿耨達水通神甸之八川者闍崛山接嵩華之翠嶺竊以法性凝寂靡歸心而不通智地玄奧感懇誠而遂顯豈謂重昏之夜燭慧炬之光火宅之朝降法雨之津於是百川異流同會於海萬區分義總成乎實豈與湯武校其優劣堯舜比其聖德者哉玄奘法師者夙懷聰令立志夷簡神清齠齧之年體拔浮華之世凝情定室匿跡幽巖栖息三禪巡遊十地超六塵之境獨步迦維會一乘之旨隨機化物以中華之無質尋印度之真文遠涉恒河終期滿宇頻登雪嶺更獲半珠問道往還十有七載備通釋典利物爲心以貞觀十九年二月六日奉勅於弘福寺翻譯聖教要文凡六百五十七部

撰述

二

卷之二

引大海之法流洗塵勞而不竭傳智燈之長燄皎幽闇而恒明自非久植勝緣何以顯揚斯旨所謂法性常住齊三光之明我皇福臻同二儀之固伏見御製衆經論序照古騰今理舍金石之聲文抱風雲之潤治輒以輕塵足岳墜露添流略舉大綱以爲斯記法師進啓謝曰玄奘聞七耀摛光憑高天而散景九河灑潤因厚地而通流是知相資之美處物既然演法依人理在無惑伏惟皇太子殿下發揮睿藻再述天文讚美大乘莊嚴實相珠迴玉轉霞爛錦舒將日月而聯華與咸英而合韻玄奘輕生多幸沐浴殊私不

任銘佩奉啓陳謝時降令答法師書曰治素無才學性不聰敏內典諸文殊未觀覽所作序記鄙拙尤繁忽得來書褒揚讚述撫躬自省慙悚交并勞師等遠臻深以爲愧

釋彥悰箋述曰

自二聖序文出後王公百辟法俗黎庶手舞足蹈歡詠德音內外揄揚未及浹辰而周六合慈雲再蔭慧日重明歸依之徒波迴霧委所謂上之化下猶風靡草其斯之謂乎如來所以法付國王良爲此也時弘福寺主圓定及京城僧等請鐫二序文於金石藏

撰述

卷之三

三

補

之寺宇帝可之後寺僧懷仁等乃鳩集晉右軍將軍王羲之書勒於碑石焉庚辰皇太子以文德聖皇后早棄萬方思報昊天追崇福業使中大夫守右庶子臣高季輔宣令曰寡人不造咎謹所鍾年在未識慈顏棄背終身之憂貫心滋甚風樹之切刻骨冥深每以龍忌之辰歲時興感空懷陟屺之望益疚寒泉之心旣而笙歌遂遠瞻奉無逮徒思昊天之報罔寄烏鳥之情竊以覺道洪慈寔資冥福冀申孺慕是用歸依宜令所司於京城內舊廢寺妙選一所奉爲文德聖皇后卽營僧寺寺成之日當別度僧仍令挾帶林泉終盡形勝仰規忉利之果副此罔極之懷於是有一司詳擇勝地遂於宮城南晉昌里面曲池依淨覺故伽藍而營建焉瞻星揆地像天闕放給園窮班倕巧藝盡衡霍良木文石梓桂櫟樟栟櫚充其林珠玉丹青赭堊金翠備其飾而重樓複殿雲閣洞房凡十餘院總一千八百九十七間狀禱器物備皆盈滿天武聖皇帝又讀法師所進菩薩藏經美之因勅春宮作其經後序其詞曰

蓋聞羲皇至贐精粹止於龜文軒后通幽雅與窮於鳥篆考丹書而索隱殊昧實際之源徵綠錯以研幾

檢述

四

卷十

蓋非常樂之道猶且事光圖史振薰風于八埏德洽生靈激堯波于萬代伏惟皇帝陛下轉輪垂拱而化漸鷄園勝殿凝旒而神交鷲嶺總調御於徽號匪文思之所窺綜般若於綸言豈繫象之能擬由是教覃溟表咸傳八解之音訓浹寰中皆踐四禪之軌遂使三千法界盡懷生而可期百億須彌入提封而作鎮尼連德水邇帝里之滄池舍衛菴接上林之茂苑雖復法性空寂隨感必通真乘深妙無幽不闡所謂大權御極導法流而靡窮能仁撫運拂劫石而無盡體均具相不可思議校美前王焉可同年而語矣爰

自開闢地限流沙震旦未融靈文尚隱漢王精感託夢想於玄宵晉后翹誠降修多於白馬有同蠡酌豈達四海之涯取譬管窺寧窮七曜之喚洎乎皇靈遐暢威加鐵圍之表至聖發明德被金剛之際恒沙國土普襲衣冠開解脫門踐真實路龍宮梵說之偈必萃清臺猊吼貝葉之文咸歸冊府灑茲甘露普潤芽莖垂此慧雲遍霑翾走豈非歸依之勝業聖政之靈感者乎大菩薩藏經者大覺義宗之要旨也佛修此道以證無生菩薩受持咸登不退六波羅密關鍵所資四無量心根力斯備蓋彼岸之津涉正覺之梯航

撰述

卷之三

五

補

者焉貞觀中年身毒歸化越熱坂而頒朔跨懸度以輸蹠文軌旣同道路無壅沙門玄奘振錫尋真出自玉關長驅奈苑至于天竺力士生處訪獲此經歸而奏上降詔翻譯於是畢功余以問安之暇澄心妙法之寶奉述天旨微表讚揚式命有司綴于終卷自是帝旣情信日隆平章法義福田功德無輟於口與法師無暫相離勅加供給及時服卧具數令換易秋七月景申夏罷又施法師衲袈裟一領價直百金觀其作製都不知鍼線出入所從帝庫內多有前代諸衲咸無好者故自敎後宮造此將爲稱意營之數歲方

成乘輿四巡恒將隨逐往十一年駕幸洛陽宮時蘇州道恭法師常州慧宣法師並有高行學該內外爲朝野所稱帝召之旣至引入坐言訖時二僧各披一衲是梁武帝施其先師相承共寶旣來謁龍顏故取披服帝哂其不工取衲令示仍遣賦詩以詠恭公詩曰

福田資象德聖種理幽薰不持金作縷還用綵成文朱青自掩映翠綺相氤氳獨有離離葉恒向稻畦分宣公詩末云如蒙一披服方堪稱福田意欲之帝並不與各施絹五十疋卽此衲也儕其麗絕豈常人所

撰述

大智小言三藏法師傳卷之二

六

卷之二

服用唯法師盛德當之矣時并賜法師剃刀一口法師表謝曰沙門玄奘伏奉勅賜衲袈裟一領剃刀一口殊命荐臻寵靈隆赫恭對惶悸如履春冰玄奘幸遭邕穆之化早預息心之侶三業無紀四恩靡答謬迴天曉濫叨雲澤忍辱之服彩合流霞智慧之刀鋩逾切玉謹當衣以降煩惱之魔佩以斷塵勞之網起餘譏於彼已懼空疎於冒榮慚恧屏營趨承俯僂鞠心跔踏精爽飛越不任悚荷之至謹奉表謝聞塵黷聖鑒伏深戰慄帝少勞兵事纂曆之後又心存兆庶及遼東征罰櫛沐風霜旋旆已來氣力頗不如平昔

有憂生之慮旣遇法師遂留心八正牆塲五乘遂將加平復

帝因問曰欲樹功德何能饒益法師對曰衆生寢惑非慧莫啓慧芽抽殖法爲其資弘法由人卽度僧爲寃帝甚歡秋九月己卯詔曰昔隋季失御天下分崩四海塗炭八埏鼎沸朕屬當戡亂躬履兵鋒亟犯風霜宿於馬上比加藥餌猶未痊除近日已來方就平復豈非福善所感而致此休徵耶京城及天下諸州寺宜各度五人弘福寺宜度五十人計海內寺三千七百一十六所計度僧尼一萬八千五百餘人未此

撰述

大藏書

卷一

卷二

已前天下寺廟遭隋季凋殘綱侶將絕蒙茲一度並成徒衆美哉君子所以重正言也帝又問金剛般若經一切諸佛之所從生聞而不謗功逾身命之施非恒沙珍寶所及加以理微言約故賢達君子多愛受持未知先代所翻文義具不法師對曰此經功德實如聖旨西方之人咸同愛敬今觀舊經亦微有遺漏據梵本具云能斷金剛般若舊經直云金剛般若欲明菩薩以分別爲煩惱而分別之惑堅類金剛唯此經所詮無分別慧乃能除斷故曰能斷金剛般若故知舊經失上二字又如下文三問闕一二頌闕一九

喻闕三如是等什法師所翻舍衛國也留支所翻婆伽婆者少可帝曰師旣有梵本可更委翻使衆生聞之具足然經本貴理不必須飾文而乖義也故今新翻能斷金剛般若委依梵本奏之帝甚悅冬十月車駕還京法師亦從還先是勅所同於北闕紫微殿西別營一所號弘法院旣到居之晝則帝留談說夜乃還院翻經更譯無性菩薩所釋攝大乘論十卷世親所釋攝大乘論十卷緣起聖道經一卷百法明門論一卷戊申皇太子又宣令曰營慈恩寺漸向畢功輪奐將成僧徒尚闕伏奉勅旨度三百僧別請五十大

撰述

八

卷十

德同奉神居降臨行道其新營道場宜名大慈恩寺
 別造翻經院虹梁藻井丹青雲氣瓊礎銅杳金環花
 鋪並加殊麗令法師移就翻譯仍綱維寺任法師旣
 奉令旨令充上座進啓讓曰沙門玄奘啓伏奉令旨
 以玄奘爲慈恩寺上座恭聞嘉命心靈靡措屏營累
 息增深戰悚玄奘學藝無紀行業空疎敢誓方期光
 賛憑恃皇靈窮遐訪道所獲經論奉勅翻譯誠冀法
 流漸潤克滋鼎祚聖教紹宗光華史冊玄奘昔冒危
 塗久嬰病疹驚蹇力弊恐不卒業孤負國恩有罰無
 救命知僧務更貽重譴魚鳥易性飛沉失路伏惟皇

太子殿下仁孝天縱愛敬因心感風樹之悲結寒泉
 之痛式建伽藍將弘景福匡理法衆任在能人用非
 其器必有隙仆伏願睿情遠鑒照弘法之福因慈造
 曲垂察愚誠之忠款則法僧無晦老之咎魚鳥得飛
 沉之趣不任誠懇之至謹奉啓陳情伏用慙惶追增
 惊悸十二月戊辰又勅太常卿江夏王道宗將九部
 樂萬年令宋行質長安令裴方產各率縣內音聲及
 諸寺幢帳並使務極莊嚴旦集安福門街迎像送僧
 入大慈恩寺至是陳列於通衢其錦綵軒檻魚龍幢
 戲凡一千五百餘乘帳蓋三百餘事先是內出繡畫

撰述

六

卷四

等像二百餘軀金銀像兩軀金縷綾羅旛五百口宿於弘福寺并法師西國所將經像舍利等爰自弘福引出安置於帳座及諸車上處中而進又於像前兩邊各麗大車車上豎長竿懸旛旛後布師子神王等爲前引儀又莊寶車五十乘坐諸大德次京城僧衆執持香花唄讚隨後次文武百官各將侍衛部列陪從太常九部樂挾兩邊二縣音聲繼其後而長旛鐘鼓訇磕續紛眩日浮空震耀都邑望之極目不知其前後皇太子遣率尉遲紹宗副率王文訓領東宮兵千餘人充手力勅遣御史大夫李乾祐爲大使與武侯相知檢校帝將皇太子後宮等於安福門樓執香爐目而送之甚悅衢路觀者數億萬人經像至寺門勅趙公英公中書褚令執香爐引入安置殿內奏九部樂破陣舞及諸戲於庭訖而還壬申將欲度僧辛未皇太子與仗衛出宿故宅後日旦從寺南列羽儀而來至門下乘步入百僚陪從禮佛已引五十大德相見陳造寺所爲意發言嗚噎酸感旁人侍臣及僧無不哽泣觀蒸蒸之情亦今之舜也言訖昇殿東閣令少詹事張行成宣恩宥降京城見禁囚徒然後剃髮觀齋及賜王公已下束帛訖屏人下閣禮佛與妃

撰述

等巡歷廊宇至法師房製五言詩貼於戶曰停軒觀
福殿遊目眺皇畿法輪舍日轉花蓋接雲飛翠煙杳
綺閣丹霞光寶衣旆虹遙合彩定水廻分暉蕭然登
十地自得會三歸觀訖還宮是時繙素歡欣更相慶
慰莫不歌玄風重盛遺法再隆遠近已來未曾有也
其日勅追法師還北闕二十三年夏四月駕幸翠微
宮皇太子及法師並陪從旣至處分之外唯談玄論
道問因果報應及西域先聖遺芳故迹皆引經酬對
帝深信納數攘袂歎曰朕共師相逢晚不得廣興佛
事帝發京時雖少違和而神威睿慮無減平昔至五

月己巳微加頭痛留法師宿宮中庚午帝崩於含風
殿時祕不言還京發喪殯太極殿其日皇太子卽皇帝
位於梓宮之側踰年改元曰永徽萬方號慟如喪
考妣法師還慈恩寺自此之後專務翻譯無棄寸陰
每日自立程課若晝日有事不充必兼夜以續之遇
乙之後方乃停筆攝經已復禮佛行道至三更暫眠
五更復起讀誦梵本未點次第擬明日所翻每日齋
訖黃昏二時講新經論及諸州聽學僧等恒來決疑
請義旣知上座之任僧事復來諮稟復有內使遣營
功德前後造一切經十部夾紵寶裝像二百餘軀亦

換述

方正學集卷之二

十一

卷二

令取法師進止日夕已去寺內弟子百餘人咸請教
誠盈廊溢廡皆酬答處分無遺漏者雖衆務輒湊而
神氣綽然無所擁滯猶與諸德說西方聖賢立義諸
部異端及少年在此周遊講肆之事高論劇談竟無
疲怠其精敏強力過人若斯復數有諸王卿相來過
禮懾逢迎誘導並皆發心莫不捨其驕華肅敬稱歎
二年春正月壬寅瀛州刺史賈敦頤蒲州刺史李道
裕穀州刺史杜正倫恒州刺史蕭銳因朝集在京公
事之暇相命參法師請受菩薩戒法師卽授之并爲
廣說菩薩行法勸其事君盡忠臨下慈愛羣公歡喜
辭去各捨淨財共修書遣使參法師謝聞戒法其書
曰竊聞身非欲食如來受純陀之供法無所求淨名
遂善德之請皆爲顯至理之常恒示凡聖之無二又
是因機以接物假相而弘道爲之者表重法之誠受
之者爲行檀之福豈曰心緣於彼此情染於名利者
哉仰惟宿植德本非於三四五佛深達法相善識十
二部經獨悟真宗遠尋聖迹遊崛山之淨土浴恒水
之清流入深法界求善知識收至文於百代之後探
玄旨於千載之前津梁庶品不斂不昧等施一切無
先無後頤等識蔽二空業淪三界猶蠶絲之自纏如

機述

卷之三

三

有

井輪之不息雖復順教生信隨緣悟解頂禮歸依受持四句隱身而爲宴坐厭苦而求常樂而遠滯無明近昏至理未能悟佛性之在身知境界之唯識心非去取義涉有無不能卽八邪而入八正行非道而通佛道譬涉海而無津猶面墻而靡見昨因事隙遂得參奉曲蒙接引授菩薩戒施以未曾有法發其無上道心一念破於無邊四心盡於來際菩提之種起自塵勞火中生蓮曷足爲喻始知如來之性卽是世間涅槃之際不殊生死行於般若便是不行得彼菩提翻爲無得忽以小機預聞大教頂受尋思無量歡喜

然夫檀義攝六法施爲優尊位有三師居其一弘慈利物雖類日月之無心仰照懷恩竊同葵藿之知感大士聞法捐軀非所企及童子見佛奉土輒敢庶幾謹送片物表心具如別疏所願照其誠懇生其福田受茲微施隨意所與使夫墜露添海將渤海而俱深飛塵集岳與須彌而永固可久可大幸甚幸甚春寒尚重願動止休宜謹遣白書諸無所具賈敦頤等和南其爲朝賢所慕如是三年春三月法師欲於寺端門之陽造石浮圖安置西域所將經像其意恐人代不常經本散失兼防火難浮圖量高三十丈擬顯大

撰述

大藏經

卷三

三

國之崇其爲釋迦之故迹將欲營築附表聞奏勅使
中書舍人李義府報法師云所營塔功大恐難卒成
宜用輒造亦不願師辛苦今已勅大內東宮掖庭等
七宮令人衣物助師足得成辦於是用輒仍改就西
院其塔基面各一百四十尺倣西域制度不循此舊
式也塔有五級并相輪露盤凡高一百八十尺層層
中心皆有舍利或一千二千凡一萬餘粒上層以石
爲室南面有兩碑載二聖三藏聖教序記其書卽尚
書右僕射河南公褚遂良之筆也初基塔之日三藏
自述誠願略曰玄奘自惟薄祐生不遇佛復乘微善

預聞像教儻生末法何所歸依又慶少得出家日覩
靈相幼知來慕法耳屬遺筌聞說菩薩所修行思齊
如不及聞說如來所證法仰止於身心所以歷尊師
授博問先達信夫漢夢西感正教東傳道阻且長未
能委悉故有專門競執多滯二諦之宗黨同嫉異致
乖一味之旨遂令後學相顧靡識所歸是以面驚山
以增哀慕常啼而假寐潛祈靈祐顯恃國威決志出
一生之域投身入萬死之地經是聖迹之處備謁遺
靈但有弘法之人遍尋正說經一所悲見於所未見
遇一字慶聞於所未聞故以身命餘資繕寫遺闕既

80

90

100

誠遂願言歸本朝幸屬休明詔許翻譯先皇道跨金輪聲震玉鼓紹隆像季允膺付囑又降發神衷親裁三藏之序今上春官講道復爲述聖之記可謂重光合璧振彩聯華渙汗垂七曜之文鏗鉉韻九成之奏自東都白馬西明草堂傳譯之盛詎可同日而言者也但以生靈薄運共失所天唯恐三藏梵本零落忽諸二聖天文寂寥無紀所以敬崇此塔擬安梵本又樹豐碑鐫斯序記庶使巍峩永劫願千佛同觀氤氳聖迹與二儀齊固時三藏親負簀畚擔運輶石首尾二周功業斯畢夏五月乙卯中印度國摩訶菩提寺

大德智光慧天等致書於法師光於大小乘及彼外書四韋陀五明論等莫不洞達卽戒賢法師門人之上首五印度學者咸所共宗慧天於小乘十八部該綜明練匠誘之德亦彼所推重法師遊西日常共切磋彼雖半教有功然未措心於方等爲其執守偏見法師恒詆訶曲女城法集之時又深折挫彼亦媿伏自別之後欽佇不怠乃使同寺沙門法長將書并賛讚頌及氈兩端揄揚之心甚厚其書曰微妙吉祥世尊金剛座所摩訶菩提寺諸多聞衆所共圍遼上座慧天致書摩訶支那國於無量經律論妙盡精微木

機述

大藏經

三

卷三

又阿遮利耶敬問無量少病少惱我慧天苾芻今造
佛大神變讚頌及諸經論比量智等今附苾芻法長
將往此無量多聞老大德阿遮利耶智光亦同前致
問鄖波索迦日授稽首和南今共寄白氍一雙示不
空心路遠莫怪其少願領彼須經論錄名附來當爲
抄送木又阿遮利耶願知其爲遠賢所慕如此五年
春二月法長辭還又索報書法師答并信物其書寫
文錄奏然後將付使人其詞曰大唐國苾芻玄奘謹
修書中印度摩揭陀國三藏智光法師座前自一辭
違俄十餘載境域遐遠音徽莫聞思戀之情每增延

結彼苾芻法長至蒙問并承起居康豫豁然目朗若
覩尊顏踊躍之懷筆墨難述節候漸暖不審信後何
如又往年使還承正法藏大法師無常奉問摧割不
能已矣嗚呼可謂苦海舟沉天人眼滅遷奪之痛何
期速歟惟正法藏植慶曩晨樹功長劫故得挺冲和
之茂質標懿傑之宏才嗣德聖天繼輝龍猛重然智
炬再立法幢撲炎火於邪山塞洪流於倒海策疲徒
於寶所示迷衆於大方蕩蕩焉巍巍焉實法門之棟
幹也又如三乘半滿之教異道斷常之書莫不韞綜
曾懷貫練心腑文盤節而克暢理隱昧而必彰故使

檢述

三

存

内外歸依爲印度之宗袖加以恂恂善誘曉夜不疲
衢樽自盈酌而不竭玄奘昔因問道得預叅承并荷
指誨雖曰庸愚頗亦蓬依麻直及辭還本邑囑累尤
深殷勤之言今猶在耳冀保安眉壽式讚玄風豈謂
一朝奄歸萬古追惟永往彌不可任伏惟法師夙承
雅訓早昇堂室攀戀之情當難可處奈何奈何有爲
法爾當可柰何願自裁抑昔大覺潛暉迦葉紹宗洪
業商那遷化鬯多闡其嘉猷今法將歸真法師次任
其事唯願清詞妙辯共四海而恒流福智莊嚴與五
山而永久玄奘所將經論已翻瑜伽師地論等大小
三十餘部其俱舍順正理見諱未周今年必了卽日
大唐天子聖躬萬福率土安寧以輪王之慈敷法王
之化所出經論並蒙神筆製序令所司抄寫國內流
行爰至鄰邦亦俱遵習雖居像運之末而法教光華
雍雍穆穆亦不異室羅筏逝多林之化也伏願照知
又前渡信渡河失經一默今錄名如後有信請爲附
來并有片物供養願垂納受路遠不得多莫嫌鮮薄
玄奘和南又答慧天法師書曰大唐國苾芻玄奘謹
致書摩訶菩提寺三藏慧天法師足下乖別稍久企
仰惟深音寄不通莫慰傾渴彼苾芻法長至辱書敬

撰述

承休豫用增欣悅又領細白氈兩端讚頌一夾來意
旣厚寡德愧以無當悚息悚息節氣漸和不知信後
體何如也想融心百家之論栖慮九部之經建正法
幢引歸宗之客擊克勝鼓挫鏘腹之賓頡頏王侯之
前抑揚英俊之上故多歡適也玄奘庸弊氣力已衰
又加念德欽仁唯豐勞積昔因遊方在彼遇矚光儀
曲女城會又親交論當對諸王及百千徒衆定其深
淺此立大乘之旨彼豎半教之宗往復之間詞氣不
無高下務存正理靡護人情以此輒生凌觸罷席之
後尋已豁然今來使猶傳法師寄申謝悔何懷固之

甚也法師學富詞清志堅操遠阿耨達水無以比其
波瀾淨末尼珠不足方其瞰繫後進儀表屬在高人
願勗良規闡揚正法至如理周言極無越大乘意恨
法師未爲深信所謂耽翫羊鹿棄彼白牛賞愛水精
捨頗胝寶明大德何此惑之滯歟又坏器之身浮
促難守宜早發大心莊嚴正見勿使臨終方致嗟悔
今使還國謹此代誠并附片物蓋欲示酬來意未是
盡其深心也願知前還日渡信渡河失經一駛今錄
名如別請爲附來餘不能委述苾芻玄奘謹呈

大慈恩寺三藏法師傳卷第七

撰述

卷之三

七

右

音釋

韶齒

齋切
齋亂毀齒也是爲橡樟橡羊茹切
樟止長切橡樟木名栴榔居切栴榔即櫻力禰望過鄂切以白羽許玄切名也憚心動也跔躡跔渠玉切躡資昔切也猶言畏怖也哉蹠多年切與同蹠同蹠也筭磕筭克盍切石相築聲鏗鉉鏗丘耕切鉉呼萌鑊鍾聲也鐸弋涉切鐵鐸薄鐸也顙頷顙胡結切顙下浪切嘉善縣居士蔣茂蔣王燦大慈恩寺三藏法師傳卷七計字七千一百二十三個該銀三兩五錢六分二厘崇禎八年孟冬月徑山化城寺識身毒身毒即天竺國小飛也身毒身毒即天竺國切身毒即天竺國切身毒即天竺國切身毒即天竺國切身毒即天竺國切身毒即天竺國切身毒即天竺國切身毒即天竺國切鞞鞞蹄鞞蹄且緣切鞞蹄鞞也鞞蹄鞞也鞞蹄鞞也鞞蹄鞞也鞞蹄鞞也鞞蹄鞞也鞞蹄鞞也鞞蹄鞞也

大慈恩寺三藏法師傳卷第八

唐沙門惠立本

釋彥悰篆

起永徽六年夏五月譯理門論終顯慶元年春三月百官謝示御製寺碑文六年夏五月庚午法師以正譯之餘又譯理門論又先於弘福寺譯因明論此二論各一卷大明立破方軌現比量門譯寮僧伍競造文疏時譯經僧栖玄將其論示尚藥奉御呂才才遂更張衢術指其長短作因明註解立破義圖序曰蓋聞一消一息範圍天地之儀大哉至哉變通爻畫之紀理則未弘於方外事

換述

大藏經三藏法華經

卷一

卷二

乃猶拘於域中推渾元而莫知窮陰陽而不測豈聞象繫之表猶開八正之門形器之先更弘二智之教者也故能運空有而雙照冥真俗而兩夷泛六度於愛河駕三車於火宅是知法王法力超羣生而自在自覺覺人摧衆魔而獨悟業運將啓乃雷震而電耀化緣斯極亦火滅而薪盡觀其應跡若有去來察此真常本無生住但以弘濟之道有緣斯應天祚明德無遠不臻是以萌蒂疇昔神光聊見於襄時祥瑞有歸淨土咸歎於茲日伏惟皇唐之有天下也運金輪而臨四有握璿極而撫萬方耀慧日於六天蒸法雲於十地西越流沙遂荒妙樂之城東漸於海掩有歡喜之都振聲教於無邊通車書於有頂遂使百億須彌既咸頒於望秩三千法界亦共沐於皇風故令五方印度改荒服於橐街十八韋陀譯梵文於祕府乃有三藏玄奘法師者所謂當今之能仁也聰慧夙成該覽宏贍德業純粹律禁翹勤實三寶之棟梁四衆之綱紀者也每以釋教東遷爲日已久或恐邪正雜擾水乳不分若不稽實相於迦維驗真文於摩竭何以成決定之藏爲畢竟之宗者乎幸逢二儀交泰四海無塵遂得拂衣玄漠振錫葱嶺不由味於蒟蒻直

撰述

大藏經

二

卷八

路夷通豈藉佩於杜衡遙途近易於是窮源河於西域涉恒水於東維採貝葉於鷺山窺全文於鶴樹所歷諸國百有餘都所獲經論向七百部並傳以藩駢聿歸上京因得面奉聖顏對揚宗極此因明論者卽是三藏所獲梵本之內之一部也理則包括於三乘事乃牢籠於百法研機空有之際發揮内外之宗雖詞約而理弘實文微而義顯學者當生不能窺其奧游之者數載未足測其源以其衆妙之門是以先事翻譯其有神泰法師靖邁法師明覺法師等並以神機昭晰志業兼該精習羣經多所通悟皆蒙別勅追

赴法筵遂得函丈請益執卷承旨三藏旣善宣法要妙盡幽深泰法師等是以各錄所聞爲之義疏詮表旣定方擬流通無緣之徒多未聞見復有栖玄法師者乃是才之幼少之舊也昔栖遁於嵩嶽嘗枉步於山門旣筮仕於上京猶曲睦於窮巷自蒙修攝三十餘年忉怛之誠二難俱盡然法師節操精潔戒行冰霜學旣照達於一乘身乃拘局於十誦才旣覩其清苦時以開遮折之但以內外不同行已各異言戲之間是非鋒起師乃從容謂才曰檀越復研味於六經探頤於百氏推陰陽之憲伏察律呂之忽微又聞生

撰述

卷之三

卷之三

平未見太玄詔問須臾卽解由來不窺象戲試造旬日復成以此有限之心逢事卽欲穿鑿但以佛法玄妙量謂未與彼同雖復強學推尋恐非措心之所何因今將內論翻用見譏者乎法師後逢因明創行義趣幽隱是以先寫一通故將見遺仍附書云此論極難深究玄妙比有聰明博識聽之多不能解今若復能通之可謂内外俱悉矣其論既近至中夏才實未之前聞恥於被試不知爲復強加披閱於是依極成而探義深憑比量而求微旨反覆再三薄識宗趣後復借得諸法師等三家義疏更加究習然以諸法師等雖復序致泉富文理會通旣以執見參差所說自相矛盾義旣同稟三藏豈合更開二門但由豐發蕭牆故容外侮闕測然佛以一音演說亦許隨類各解何必獨簡白衣不爲衆生之例才以公務之餘輒爲斯注至於三法師等所說善者因而成之其有疑者立而破之分爲上中下卷號曰立破注解其間墨書者卽是論之本文朱書注者以存師等舊說其下墨書注者是才今之新撰用決師等前義凡有四十餘條自創已下猶未具錄至於文理隱伏稍難見者仍畫爲義圖共相比校仍更別撰一方丈大圖獨存才

之近注論既外無人解無處道聽途說若言生而知之固非才之望也然以學無再請尚曰傳燈聞一知十方稱殆庶況乎生平不見率爾輒事含毫今既不由師資注解能無紕紊竊聞雪山夜又說生滅法丘井野獸歎未會有苟令所言合理尚得天仙歸敬才之所注庶幾於茲法師等若能忘狐鬼之微陋思句味之可尊擇善而從不簡真俗此則如來之道不墜於地弘之者衆何常之有必要心未忘於人我義不察於是非才亦扣其兩端猶擬質之三藏秋七月已巳譯經沙門惠立聞而慾之因致書于左僕射燕國

于公論其利害曰立聞諸佛之立教也文言奧遠旨義幽深等圓穹之廓寥類滄波之浩汗談真如之性相居十地而尚迷說小草之因緣處無生其猶昧况有榮纏八邪之網沉淪四倒之流而欲窺究宗因辯彰同義者無乃妄哉竊見大慈恩寺翻譯法師慧基早樹智力夙成行潔珪璋操逾松杞遂能躬遊聖域詢稟微言總三藏於胷懷包四含於掌握嗣清徹於囊哲扇遺範於當今實季俗之舟航信緇林之龜鏡者也所翻聖教已三百餘軸中有小論題曰因明詮論難之指歸序折邪之軌式雖未爲玄門之要妙然

撰述

王

卷八

亦非造次之所知也近聞尚藥呂奉御以常人之資
竊衆師之說造因明圖釋宗因義不能精悟好起異
端苟覓聲譽妄爲穿鑿誹衆德之正說任我慢之福
心媒銜公卿之前囂喧間巷之側不慙顏厚靡倦神
勞頗歷炎涼情猶未已然奉御於俗事少閑遂謂真
宗可了何異鼯鼠見金龕之堪陟乃言岷閬之非難
蜘蛛覩棘林之易羅亦謂扶桑之可網不量涯分何
殊此焉抑又聞之大音希聲大辯若訥所以淨名會
理杜口毗城尼父德高恂恂鄉黨又叔度汪汪之稱
元禮模楷之譽亦未聞誇競自媒而獲搢紳之推仰

也云立致書其事遂寢冬十月丁酉太常博士柳宣
聞其事寢乃作歸敬書偈以檄譯經僧衆曰

稽首諸佛

願護神威

當陳誠請

罔或尤譏

沉晦未悟

圓覺所歸

久淪愛海

舟楫攸希

異執垂競

和合是依

玄離取有

理絕過違

悞乖八正

戲入百非

取捨同辯

滌淨混微

簡金去礫

琢玉裨輝

能仁普鑒

凝慮研幾

契誠大道

孰敢毀誹

謗謗崇德

唯唯浸衰

惟願留聽

庶有發揮

望矜憫憫

垂誨斐斐

歸敬曰昔能仁示現王宮假歿雙樹微言旣暢至理

撰述

卷之三

六

七

亦弘刹土蒙攝受之恩懷生霑昭蘇之惠自佛樹西
蔭塔影東臨漢魏寔爲濫觴符姚盛其風彩自是名
僧間出賢達連鑣慧日長懸法輪恒馭開鑿之功始
自騰顯弘闡之力仍資什安別有單開遠遁羅浮圖
澄近現趙魏粗言圭角未可縷陳莫不談空有於一
乘論苦集於四諦假銓明有終末離於有爲息言明
道方契證於凝寂猶執玄以求玄是玄非玄理因玄
以忘玄或是玄義雖冥會幽途事理絕於言象然攝
生歸寂終藉筌蹄亦旣立言是非鋒起如彼戰爭干
戈競發負者屏氣勝者先鳴故尚降魔制諸外道自

非辯才無畏答難有方則物輩喧張我等恥辱是故
專心適道一意總持建立法幢祇植法鼓旗鼓旣正
則敵者殘摧法輪旣轉能威不伏若使望風旗靡對
難含膠而能闡弘三寶無有是處尚藥呂奉御入空
有之門馳正見之路聞持擬於昔賢洞微侔於往哲
其詞辯其義明其德真其行著已沐八解之流又悟
七覺之分影響成教若淨名之詣菴園聞道必求猶
波峯之歸無竭意在弘宣佛教立破因明之疏若其
是也必須然其所長如其非也理合指其所短今見
僧徒雲集並是採石他山朝野俱聞呂君請益莫不

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

撰述

側聽瀉瓶皆望蕩滌掉悔之源銷屏疑忿之聚有太史令李淳風者聞而進曰僕心懷正路行屬歸依以實慧爲大覺玄軀無爲是調御法體然皎日麗天寔助上玄運用賢僧闡法實裨天師妙道是所信受是所安心但不敢以黃葉爲金山鷄成鳳南郭濫吹淄澑混流耳或有異議豈僕心哉豈僕心哉然鶴林已後歲將二千正法旣萎末法初踐玄理鬱而不彰覺道浸將湮落玄奘法師頭陀法界遠達迦維目擊道樹金流仍覩七處八會毗城鷲嶺身入彼邦娑羅寶階仍驗虛實至於歷覽王舍檀特恒河如斯等輩未

易具言也加之西域名僧莫不面論波若東國疑義悉皆質之彼師毗尼之藏旣奉持而不捨毗曇明義亦洞觀而爲常蘇姬路旣得之於聲明耨多羅亦剖斷於疑滯法無大小莫不韞之智懷理無深淺悉能決之敏慮故三藏之名振旦之所推定摩訶之號乃羅衛之所共稱名實之際何可稱道然呂君學識該博義理精通言行樞機是所詳悉至於陀羅佛法稟自生知無礙辯才寧由伏習但以因明義隱所說不同觸象各得其形共器飯有異色呂君旣已執情道俗企望指定秋霜已降側聽鍾鳴法雲旣敷雷震希

撰述

發但龍象蹴蹋非驢所堪猶緇服壹具白衣不踐脫如龍種抗說無垢釋疑則苾芻悉曇亦優婆能盡輒附微志請不爲煩若有滯疑望諮三藏裁決以所承稟傳示四衆則正道克昌覆障永絕紹隆三寶其在茲乎過此已往非復所悉弟子柳宣白庚子譯經僧明濬答柳博士宣以還述頌言其得失曰

於赫大聖 種覺圓明 無幽不察 如響酬聲
弗資延慶 孰悟歸誠 良遵可仰 寔引迷生
百川邪浪 一味吞并 物有取捨 正匪虧盈
八邪馳銳 四句爭名 飭非濫是 抑重爲輕

照日冰散 投珠水清 顯無上德 體道居貞
縱加譽毀 未動遺榮 昂昂令哲 鬱鬱含情
俟諸達觀 定此權衡 聊申悱悱 用簡英英
還述曰項於望表預矚歸敬之詞覽其雄文煥乎何偉麗也詳其雅致誠哉豈不然歟悲夫愛海滔天邪山槩日封人我者顛墜其何已恃慢結者沉淪而不窮故六十二見爭翦薈而自處九十五道競扶伏以忘歸如來以本願大悲忘緣俯應內圓四智外顯六通運十力以伏天魔飛七辯而摧外道竭茲愛海濟稟識於三空殄彼邪山驅宵形於八正指因示果返

撰述

卷之九

九

本還源大矣哉悲智妙用無得而言焉昔道樹登庸
 被聲教於百億雙林寢迹振遺烈於三千自佛日西
 傾餘光東照周感夜明之瑞漢通宵夢之徵騰蘭獎
 慧炬於前澄什嗣傳燈於後其於譯經弘法神異濟
 時高論摧邪安禪肅物緝頽綱者接武繼絕紐者肩
 隨莫不夷夏欽風幽明翼化聯華靡替可略而詳惟
 今三藏法師蘊靈秀出含章而體一味瓶瀉以瞻五
 乘悲去聖之逾遠憫來教之多闕緬思圓義許道以
 身心口自謀形影相弔振衣擎錫討本尋源出玉關
 而遠遊指金河而一息稽疑梵宇探幽洞微旋化神

州揚真殄謬遺詮闕典大備茲辰方等圓宗彌廣前
 烈所明勝義妙絕寰中之中真性真空極諭方外之
 外以有取也有取喪其真就無求之無求蠹其實拂
 二邊之迹忘中道之相則累遣未易消其深重空何
 以臻其極要矣妙矣至哉大哉契之於心然後以之
 爲法在心爲法形言爲教法有自相共相教乃遮詮
 表詮粹旨冲宗豈造次所能覩縷法師凝神役智詳
 本正末緝熙玄籍大啓幽關祕希聲應扣擊之大小
 廟義海納朝宗之巨細於是殊方碩德異域高僧服
 膺問道蓄疑請益固已飲河滿腹莫測其淺深聆音

駭聽孰知其遠邇至於因明小道現比益微斯乃指
 初學之方隅舉立論之標幟至若靈樞祕鍵妙本成
 功備諸與冊非此所云也而呂奉御以風神爽拔早
 擅多能器宇該通夙彰博物戈獵開墳之典鈎深壞
 壁之書觸類而長窮諸數術振風飈於辯圓摛光華
 於翰林驥首雲中先鳴日下五行資其筆削六位佇
 其高談一覽太玄應問便釋再尋象戲立試卽成實
 晉代茂先漢朝晏倩方今蔑如也旣而翱翔羣略綽
 有餘功而敬慕大乘夙敦誠信比因友生戲爾忽復
 屬想因明不以師資率已穿鑿比決諸疏指斥求非
 誠議於朝形於造次考其志也固已難加覈其知也
 誠爲可惑此論以一卷成部五紙成卷研機三疏向
 已一周舉非四十自無一是自旣無是而能言是疏
 本無非而能言非言非不非言是不是言是不是是
 而恒非言非不非非而恒是非非恒是不爲是所是
 是是恒非不爲非所非以茲貶失致或病諸且據生
 因了因執一體而忘二義能了所了封一名而惑二
 體又以宗依宗體留依去體以爲宗喻體喻依去體
 留依而爲喻緣斯兩系妄起多疑迷一極成謬生七
 難但以鑽窮二論師已一心滯文句於上下誤字音

撰述

於平去復以數論爲聲論舉生城爲滅城豈唯差離合之宗因蓋亦違倒順之前後又探鄙俚訛韻以擬梵本轉音雖復廣援七種而只當彼一轉然非彼七所目乃是第八呼聲舛雜乖訛何從而至又案勝論立常極微數乃無窮體唯極小後漸和合生諸子微數則倍減於常微體又倍增於父母迄乎終已體遍大千究其所窮數唯是一呂公所引易繫詞云太極生兩儀兩儀生四象四象生八卦八卦生萬物云此與彼言異義同今案太極無形肇生有像元資一氣終成萬物豈得以多生一而例一生多引類欲顯博

聞義乖復何所託設引大例生義似同若釋同於邪見深累如何自免豈得苟要時譽混正同邪非身之讐奚至於此凡所紕紊胡可勝言特由率已致斯狼狽根旣不正枝葉自傾遂誤生疑隨疑設難曲形直影其可得乎試舉二三冀詳大意深疵繁緒委答如別尋夫呂公達鑒豈孟浪而至此哉示顯真俗雲泥難易楚越因彰佛教弘遠正法凝深譬洪鑪非掬雪所投渤海豈膠舟能越也太史令李君者靈府沉祕襟期邈遠專精九數綜涉六爻博考墳圖瞻觀雲物鄙衛宏之失度陋裨竈之未工神無滯用望實斯在

既屬呂公餘論復致問言以實際爲大覺玄軀無爲是調御法體此乃信稟修容有分證稟自然約不可成良恐言似而意違詞近而旨遠天師妙道幸以再思且寇氏天師崔君特薦共貽伊谷夫復何言雖謂不混於淄澠蓋已自濫金鉢耳惟公逸宇寥廓學殫墳索庇身以仁義應物以樞機肅肅焉汪汪焉擢勁節以干雲淡清潤而鎮地騰芳文苑職處儒林據摭九疇之宗研詳二載之說至於經禮三百曲禮三千莫不義符指掌事如俯拾籜俎咸推其准的法度皆待其雌黃遂令相鼠之詩絕聞於野魚麗之詠盈耳

於朝惟名與實盡善盡美而誠敬之重稟自夙成弘護之心實惟素蓄屬斯誼議同恆疚懷故能投刺含膠允光大義非夫才兼内外照實鄰幾豈能激揚清濁濟俗匡真者耶昔什公門下服道者三千今此會中同德者如市貪道猥以庸陋叨廁末筵雖慶朝聞終懸夕惕詳以造疏三德並是貫達五乘墻仞罕窺詞峰難仰旣屬商羊鼓舞而需澤必霑疾雷迅發恐無暇掩耳僉議古人曰一枝可以戢羽何繁乎鄧林潢洿足以沉鱗豈俟於滄海故不以愚悞垂逼課虛辭弗獲免粗陳梗槩雖文不足取而義或可觀顧已

庸疎彌增悚恧指述還答餘無所申釋明濬白癸卯
宣得書又激呂奉御因奏其事勅遣羣公學士等往
慈恩寺請三藏與呂公對定呂公詞屈謝而退焉顯
慶元年春正月景寅皇太子忠自以非嫡不敢久處
元良乃慕太伯之規陳表累讓大帝從之封忠爲梁
王賜物一萬段甲第一區卽以其月冊代王治爲皇
太子戊子就大慈恩寺爲皇太子設五千僧齋人施
布帛三段勅遣朝臣行香時黃門侍郎薛元超中書
侍郎李義府因叅法師遂問曰翻經固法門之美未
審更有何事可以光揚又不知古來翻譯儀式如何

法師報曰法藏沖奧通演實難然則內闡住持由乎
釋種外護建立屬在帝王所以泛海之舟能馳千里
依松之葛遂聳萬尋附託勝緣方能廣益今漢魏遙
遠未可詳論且陳符姚已來翻宣經論除僧之外君
臣贊助者符堅時曇摩難提譯經黃門侍郎趙政執
筆姚興時鳩摩羅什譯經姚王及安城侯姚嵩執筆
後魏菩提留支譯經侍中崔光執筆及製經序齊梁
周隋皆如是貞觀初波頗羅那譯經勅左僕射房玄
齡趙郡王李孝恭太子詹事杜正倫太府卿蕭環等
監閱詳緝今獨無此又慈恩寺聖上爲文德聖皇后

撰述

卷之三

四

五

營建壯麗輪奐今古莫儕未得建碑傳芳示後顯揚
之極莫過於此公等能爲致言則斯美可至二公許
諾而去明日因朝遂爲法師陳奏天皇皆可之壬辰
光祿大夫中書令兼檢校太子詹事監修國史柱國
固安縣開國公崔敦禮宣勅曰大慈恩寺僧玄奘所
翻經論旣新翻譯文義須精宜令太子太傅尚書左
僕射燕國公于志寧中書令兼檢校吏部尚書南陽
縣開國男來濟禮部尚書高陽縣開國男許敬宗守
黃門侍郎兼檢校太子左庶子泓陰縣開國男薛元
超守中書侍郎兼檢校右庶子廣平縣開國男李義
府中書侍郎杜正倫等時爲看閱有不穩便處卽隨
事潤色若須學士任量追三兩人罷朝後勅遣內給
事王君德來報法師云無須文人助翻經者已處分
于志寧等令往其碑文暨望白修不知稱師意不且
令相報法師旣奉綸旨允慰宿心當對使人悲喜不
覺淚流襟袖翌日法師自率徒衆等詣朝堂奉表陳
謝表文失二月有尼寶乘者高祖神堯皇帝之婕妤
隋襄州總管臨河公薛道衡之女也德芬形管美擅
淑問父旣學業見稱女亦不虧家訓妙通經史兼善
文才太帝幼時從其受學嗣位之後以師傅舊恩封

撰述

力志堂詩集自序卷

十一

卷八

河東郡夫人禮敬甚重夫人情慕出家帝從其志爲禁中別造鶴林寺而處之并建碑述德又度侍者數十人並四事公給將進具戒至其月十日勅迎法師將大德九人各一侍者赴鶴林寺爲河東郡夫人薛尼受戒又勅莊校寶車十乘音聲車十乘待於景曜門內先將馬就寺接入城門已方乃登車發引大德居前音聲從後是時春之仲月景物妍華柳翠桃紅松青霧碧錦軒紫蓋交映其間飄飄然猶給園之衆適王城矣既到安置別館設壇席爲寶乘等五十餘人受戒唯法師一人爲闍梨諸德爲證而已三日方

了受戒已復命巧工吳智敏圖十師形留之供養其鶴林側先有德業寺尼衆數百人又奏請法師受菩薩戒於是復往德業寺事訖辭還嘯施隆重勅遣內給事王君德將手力執花蓋引送衢路觀者極生善矣鶴林後改爲隆國寺焉無幾御製碑文成勅遣太尉長孫無忌以碑宣示羣公其詞曰朕聞乾坤締構之初品物權輿之始莫不載形后土藉覆穹蒼然則二曜耀天靡測盈虛之象四溟紀地豈究波瀾之極況乎法門冲寂現生不滅之前聖教牢籠示有無形之外故以道光塵劫化洽含靈者矣緬惟王宮發迹

80 1 2 3 4 5 6 7 8 9

90

1 2 3 4 5 6 7 8 9

100

蓮披超步之花神沼騰光樹曲空低之榦演德音於鹿苑會多士於龍宮福已罪之羣生興將滅之人代能使下愚挹道骨碎寒林之野上哲欽風冕沉雪山之偈絲流法雨清火宅而辭炎輪昇慧日皎重昏而歸晝朕逖覽緗史詳觀道藝福崇永劫者其唯釋教歟文德皇太后憑柯瓊樹疏汎泉源德照塗山道光媯汭流芬形管彰懿則於八絃垂訓紫宮扇微猷於萬古遽而陰精掩月永戢貞輝坤維絕紐長淪茂迹撫奩鏡而增感望陟屺而何追昔仲由興歎於千鍾虞丘致哀於三失朕之罔極實有切於終身故載懷

興葺創茲金地却背邠郊點千莊之樹錦前臨終岳吐百仞之峰蓮左面八川水皎地而分鏡右鄰九達羽飛蓋而連雲抑天府之奧區信上京之勝地示其雕軒架迥綺閣陵虛丹空曉烏煥日宮而泛彩素天初兔鑒月殿而澄輝薰徑秋蘭疎庭佩紫芳嚴冬桂蜜戶叢丹燈皎繁華焰轉煙心之鶴旛標迥刹彩榮天外之虹飛陛參差含文露而栖玉輕簾舒卷網蜃宿而編珠霞班低岫之紅池汎漠煙之翠鳴珮與宵鍾合韻和風共晨梵分音豈直香積天宮遠慙輪與闕風仙闕遙愧雕華而已哉有玄奘法師者寔真如

換述

之冠冕也器宇凝邃若清風之肅長松縟思繁蔚如
綺霞之輝迥漢騰今照古之智挺自生知蘊寂懷真
之誠發乎齟齬孤標一代邁生遠以照前迥秀千齡
架澄什而光後以爲淳風替古澆俗移今悲巨夜之
長昏痛微言之永翳遂乃投迹異域廣餐祕教秉杯
雲漢之外振錫煙霞之表滔天巨海侵驚浪而羈遊
亘地嚴霜犯淒氛而獨逝于郊散緒衣單雪嶺之風
曠野低輪肌弊流沙之日遐征月路影對宵而暫雙
遠邁危峰形臨朝而永隻研窮智境探顧至真心罄
玄津研幾祕術通昔賢之所不逮悟先典之所未聞

遂得金牒東流續將斷之教寶偈西徙補已缺之文
于時瞻彼靈基栖心此地弘宣奧旨葉方翠於祇林
遠闢幽關波再清於定水朕所以虔誠八正肅志雙
林將延景福式資冥助奉願皇太后逍遙六度神遊
丹闕之前偃息四禪覓昇紫極之境悲夫玉燭易往
促四序於炎涼金箭難留馳六龍於晷漏恐波遷樹
在夷溟海於桑田地是勢非淪高岸爲幽谷於是敬
刊貞石式旌貞境其銘曰三光照象萬品流形人途
超忽時代虛盈淳風久謝澆俗潛生愛波濶識業霧
昏情猗歟調御迦維騰迹妙道乘幽玄源控寂鷲峰

撰述

遐峙龍宮廣闢慧日舒光慈雲吐液睠言聖教載想
 德音義徽往劫道冠來今騰神九域晦迹雙林漢夢
 如在周星遠沉悲纏奩鏡哀深棟宇濯龍潛潤椒風
 韜緒霜露朝侵風枝夕舉雲車一駕悠哉萬古乃興
 輸輿室構雕華紫棟留月紅染藻霞雲窓散葉風沼
 翻花蓋低鳳偃橋側虹斜爰有慧命英器虛冲孤標
 千載獨步三空給園味道雪嶺餐風智燈再朗真筌
 重宗四運流速六龍馳騖巨夜銷氣函關啓曙茂德
 微範微塵表譽勒美彼文遐年永著三月庚申羣公
 等奉聖製咸詣朝堂上表陳謝曰跪發天華觀河宗
 之奇寶虔開祕篆聆雲英之麗曲包萬葉之鴻規籠
 千祀之殊觀相翹慶抑莫知所限竊以慧日西照朗
 巨夜而開冥法流東徙洽凍荄而挺秀無方之化不
 一應物之理同歸歷代迄茲咸崇斯典伏惟陛下垂
 衣截海作鏡中區錫類之道彌光出要之津尤重開
 紿園於勝境延稱首以閑居地窮輪奩人標龍象重
 兹濬發沖旨爰製豐碑妙思難涯玄襟獨王義超繫
 表理邃環中臣等夙敬真宗幸窺天藻以幼堂之量
 揣靈鰐之浚壑蜉蝣之情議仙驥之遐壽式歌且舞
 成誦在心循覽周遑不勝欣躍

撰述

大慈恩寺三藏法師傳卷第八

音釋

蒂

都計切根蒂也。東漸流入也。

蒟醣

蒟果羽切木名蜀醣以爲醬醣子亮切。

與

舊音日聲也。馬也。外切。

頤

眎明也。夷切。頤鋤陌切。

同

馬也。國名。外切。

頤

肥切。必不可苗切。猶也。古切。

言

芳也。斐往來貌。必苗切。

鰈

馬銜也。猶於計切。鰈也。

繩

糸文運切。匹夷切。繩疏也。

紊

絲亂也。紊也。紊也。

斐

芳也。斐往來貌。必苗切。

鰈

馬銜也。猶於計切。鰈也。

𦵹

蕪薈也。蕪薈草盛貌。

𦵹

烏會也。𦵹也。𦵹也。

縛

委曲也。縛也。縛也。縛也。

據

據舉也。據也。據也。據也。

𡇔

懼也。懼也。懼也。懼也。

𡇔

懼也。懼也。懼也。懼也。

𡇔

好也。好也。好也。好也。

𡇔

婦官各好也。好也。好也。

𡇔

好也。好也。好也。好也。

80 1 2 3 4 5 6 7 8 9 10 1 2 3 4 5 6 7 8 9 100 1 2 3 4 5 6 7 8 9

大慈恩寺三藏法師傳卷第九

唐沙門惠立本釋彥悰篆

起顯慶元年三月謝慈恩寺碑成終二年十一
月法師謝勅問病表

顯慶元年春三月癸亥御製大慈恩寺碑文訖時禮
部尚書許敬宗遣使送碑文與法師鴻臚寺又有符
下寺曰子法師率寺衆詣闕陳謝曰沙門玄奘言被
鴻臚寺符伏奉勅旨親紓聖筆爲大慈恩寺所製碑
文已成睿澤傍臨宸詞曲照玄門益峻梵侶增榮躅
厚地而懷慙負層穹而寡力玄奘聞造化之功旣播

撰述

卷之三十一

有九

物而成教聖人之道亦因辭以見情然則畫卦垂文
 空談於形器設爻分象未踰於寰域羲皇之德尚見
 稱於前古姬后之風亦獨高於後代豈若開物成務
 謞八政以摛章詮道立言證三明而導俗理窮天地
 之表情該日月之外較其優劣斯爲盛矣伏惟皇帝
 陛下金輪在運玉曆秉時化溢四洲仁覃九有道包
 將聖功茂迺神縱多能於生知資率由於天至始悲
 奕鏡卽創招提俄樹勝幢更敷文律若乃天華頴發
 睿藻波騰吞筆海而孕龍宮掩詞林而包鶴樹內該
 八藏外覈六經奧而能典宏而且密固使給園遺迹
 託寶思而彌高奈苑餘芳假瓊章而不昧豈直抑揚
 夢境昭晰迷塗諒以鎔範四天牢籠三界者矣玄奘
 言行無取猥預繙徒亟叨恩顧每謂多幸重忝曲成
 之造欣逢像法之盛且慙且躍實用交懷無任竦戴
 之誠謹詣朝堂奉表陳謝乙丑法師又惟主上文明
 天縱聖而多能非直文麗魏君亦乃書道漢主法師
 以見碑是聖文其書亦望神筆詣闕請皇帝自書表
 曰沙門玄奘等言竊以應物垂象神用溥該隨時設
 教聖功畢盡是知日月雙朗始極經天之運卉木俱
 秀方窮麗地之德伏惟皇帝陛下智周萬物仁霑三

換述

卷之三

卷九

界既隆景化復闡玄風鄙姬穆之好道空賞瑤池之
 詠蔑漢明之崇法徒開白馬之詞遂乃俯降天文遠
 揚幽旨用彫豐琬長垂茂則同六英之發音若五緯
 之摛曜敷至懷而感俗弘大誓以匡時豈獨幽贊真
 如顯揚玄願者也雖玉藻斯暢翠版將刊而銀鈞未
 書丹字猶韞然則變樂已箕匪里曲之堪預龍卿旣
 畫何燭火之能明非夫牙曠撫律義和總馭焉得揚
 法鼓之大音裨慧日之冲彩敢緣斯義冒用干祈伏
 乞成茲具美勒以神筆庶凌雲之妙邁迹前王垂露
 之奇騰芬後聖金聲玉振卽悟羣迷鳳翥龍蟠將開

衆瞽豈止克隆像教懷生霑莫大之恩實亦聿贊明
 時宗社享無疆之福玄獎稟誠愚淺謬齒繙林本慙
 窺涉多虧律行猥辱紫宸詞過褒美雖驚惕之甚措
 颜無地而慊懇之勤翹誠有日重敢塵牘更懷水火
 表奏不納景寅法師又請曰昨日蒙賚天藻喜戴
 不勝未允神翰翹丹尚擁竊以攀榮奇樹必含笑而
 芬芳跪寶玉岑亦舒渥而貽彩伏惟陛下提衡執粹
 垂拱太寧睿思綺毫俯凝多藝鴻範光於洛浦草聖
 茂於臨池玄獎肅荷前恩奉若率於金鏡冒希後澤
 佇桂影於銀鈞豈直含璧相循聯輝是仰亦恐非天

提述

卷之三

卷之三

翰無以懸日月之文唯麗則可以攄希微之軌馳冤
泥首非所敢望不勝積慊昧死陳請表奏帝方連神
筆法師旣蒙帝許不勝慶抃表謝曰沙門玄奘言伏
奉勅旨許降宸筆自勒御製大慈恩寺碑文璽誥爰
臻綸慈猥集祇荷慙惕罔知攸措玄奘聞強弩在彀
鼯鼠不足動其機鴻鐘匿音纖莛無以發其響不謂
日臨月照遂廻景於空門雨潤雲蒸乃昭感於玄寺
是所願也豈所圖焉伏惟陛下履翼乘樞握褒纊運
追軒邁頃孕夏吞殷演衆妙以陶時總多能而景俗
九域之內旣沐仁風四天之表亦霑玄化然則津梁
之法非至聖無足闡其源幽贊之工非至人何以敷
其迹雖追遠所極自動天情而冥祐可祈卽廻宸瞻
英詞曲被已超希代之珍祕迹行開將踰絕價之寶
凡在羣品靡弗欣戴然彼梵徒倍增慶躍夢鈞天之
廣樂匹此非奇得輪王之髻珠疇茲豈貴庶當刊以
貞石用樹福庭蠢彼迷生方開耳目盛乎法炬傳諸
未來使夫瞻寶字而跂銀鈞發菩提於此日諷通文
而探頤悟般若於斯地劫成窮芥昭昭之美恒存遷
海環桑謫謫之風無朽玄奘出自凡品夙慙行業旣
蒙落飾思闡玄猷往涉迦維本憑皇化迨茲翻譯復

80 1 2 3 4 5 6 7 8 9

100

1

2

3

4

5

6

7

8

承朝獎而貞觀之際濫沐洪慈永徽已來更叨殊遇
 二主神筆猥賜褒揚兩朝聖藻亟垂榮飾顧循愚劣
 實懷兢懼輸報之誠不忘昏曉但以恩深巨壑豈滴
 水之能酬施厚崧丘匪纖塵之可謝唯當憑諸慧力
 運以無方資景祚於園寢助隆基於七百不任竦戴
 之至謹附內給事臣王君德奉表陳謝以聞輕犯威
 嚴伏深戰慄夏四月八日帝書碑并匠鐫訖將欲往
 寺法師慙荷聖慈不敢空然待送乃率慈恩徒衆及
 京城僧尼各營幢蓋寶帳旛花共至芳林門迎勅又
 遣太常九部樂長安萬年二縣音聲共送幢旛卑者
 上出雲霓旛極短者猶摩霄漢凡三百餘事音聲車
 千餘乘至七日暝集城西安福門街其夜雨八日路
 不堪行勅遣且停仍迎法師入內至十日天景晴麗
 勅遣依前陳設十四日旦方乃引發幢旛等次第陳
 列從芳林門至慈恩寺三十里間爛然盈滿帝登安
 福門樓望之甚悅京都士女觀者百餘萬人至十五
 日度僧七人設二千僧齋陳九部樂等於佛殿前日
 晚方散至十六日法師又與徒衆詣朝堂陳謝碑至
 寺表曰沙門玄奘等言今月十四日伏奉勅旨送御
 書大慈恩寺碑并設九部樂供養竟日分照先增慧

換迷

卷之二十一

卷之二十一

炬之暉舜海通波更足法流之廣豐碣巖峙天文景
燭狀彩露之映靈山疑縛宿之臨仙嶠凡在緇素電
激雲奔瞻奉驚躍得未曾有竊以八卦垂文六爻發
繫觀鳥製法泣麟敷典聖人能事畢見於茲將以軌
物垂範隨時立訓陶鑄生靈抑揚風烈然則秦皇刻
石獨昭美於封禪魏后刊碑徒紀功於大饗猶稱題
目高視百王豈若親紓徽藻俯開仙翰金奏發韻銀
鉤絢迹探龍宮而架三玄軼鳳篆而窮八體揚春波
而騁思沛秋露以標奇弘一乘之妙理讚六度之幽
頤化總三千之域聲騰百億之外柰苑微言假天詞
而更顯竹林開士託神筆而彌尊固使梵志歸心截
疑網而祇訓波旬革慮偃邪山而徇道豈止塵門之
士始悟迷方滯夢之賓行超苦際像教東漸年垂六
百弘闡之盛未若於茲至如漢明通感尚容謀於傅
毅吳主歸宗猶考疑於闕澤自斯已降無足稱者隨
緣化物獨推昭運爲善必應克峻昌基若金輪之王
神功不測同寶冠之帝休祚方永玄獎等謬忝朝恩
幸登玄肆屬慈雲重布法鼓再揚三明之化旣隆八
正之門長闢而顧非貞懇虛蒙獎導仰層旻而荷澤
俯浚谷以懷慙無任竦戴之誠謹詣闕陳謝以聞碑

機述

卷之三

六

補

至有司於佛殿前東南角別造碑屋安之其舍複拱重櫨雲楣綺棟金花下照寶鐸上暉仙掌露盤一同靈塔帝善楷隸草行尤精飛白其碑作行書又用飛白勢作顯慶元年四字並窮神妙觀者日數千人文武三品以上表乞模打許之自結繩息用文字代興二篆形殊楷草勢異懸針垂露雲氣偃波銘石章程八分行狎古人互有短長不能兼美至如漢元稱善史書魏武工於草行鍾繇開於三體三仲妙於八分劉劭張弘發譽於飛白伯英子玉流名於草聖唯中郎右軍稍兼衆美亦不能盡也故草文休見二王書曰二王自可稱能未是知書也若其天鋒秀拔頽鬱道健該古賢之衆體盡先哲之多能爲豪翰之陽春文字之寡和者信歸之於我皇矣法師少因聽習及往西方步靈山雪嶺遂得冷病發卽封心屢經困苦數年已來憑藥防禦得定今夏五月因熱追涼遂動舊疾幾將不濟道俗憂懼中書聞奏勅遣供奉上醫尚藥奉御蔣孝璋針醫上官琮專看所須藥皆令內送北門使者日有數般遣伺氣候遞報消息乃至眠寢處所皆遣內局上手安置其珍惜如是雖慈父之於一子所不過也孝璋等給侍醫藥晝夜不離經五

撰述

卷之三

卷之三

日方損內外情安法師旣倚聖恩翌日進表謝曰沙門玄奘言玄奘拙自營衛冷疹增動幾至縣篤殆辭昭運天恩矜愍降以良醫針藥纔加卽蒙瘳愈駐頰齡於欲盡反營覓於將消重觀昌時復遵明導豈止膏肓永絕腠理恒調而已顧循庸菲屢荷殊澤施厚命輕罔知輸報唯憑慧力庶訓冥祉玄奘猶自虛慳未堪詣闕陳謝無任竦戴之至謹遣弟子大乘光先奉表以聞帝覽表遣給事王君德慰問法師曰旣初服藥後氣力固當虛劣請法師善自攝衛未宜卽用心力法師又蒙聖問不勝喜懼之至又表謝曰沙門玄奘言玄奘業累所嬰致招疾苦呼吸之頃幾隔明時忽蒙皇帝皇后降慈悲之念垂性命之憂天使頻循有逾十慰神藥俯救若遇一丸飲沐聖慈已祛沈痛承荷醫療遂得痊除豈期已逝之冤見招於上帝將夭之壽重稟於洪鑪退省庸微何以當此撫膺媿越言不足宣荷殊澤而詎勝粉微軀而靡謝方冀鼎茲禮誦罄此身心以答不次之恩少塞無窮之責無任感戴之極謹附表謝聞喜懼兼并罔知攸措塵黷聽覽伏增惶悚貞觀十一年有勅曰老子是朕宗室名位稱號宜在佛先時普光寺大德法常總持寺大

撰述

大慈心寺三藏法師傳

卷六

德普應等數百人於朝堂陳諍未蒙改正法師還國
來已頻內奏許有商量未果而文帝昇遐永徽六年
先有勅道士僧等犯罪情難知者可同俗法推勘邊
遠官人不開勅意事無大小動行枷杖虧辱爲甚法
師每憂之因疾委頓慮更不見天顏乃附人陳前二
事於國非便玄奘命垂日夕恐不獲後言謹附啓聞
伏增惶懼勅遣報云所陳之事聞之但佛道名位先
朝處分事須平章其同俗勅卽遣停廢師宜安意強
進湯藥至二十三日降勅曰道教清虛釋典微妙庶
其津梁三界之所遵仰比爲法未人澆多違制

律且權依俗法以伸懲誠冀在止惡勸善非是以人輕法但出家人等具有制條更別推科恐爲勞擾前令道士女道士僧尼有犯依俗法者宜停必有違犯宜依條制法師旣荷茲聖澤奉表詣闕陳謝曰沙門玄奘言伏見勅旨僧尼等有過停依俗法之條還依舊格非分之澤忽委繙徒不訾之恩復霑玄肆晞陽沐道實用光華跼地循躬雅增震惕竊以法王旣沒像化空傳崇紹之規寄諸明后伏惟皇帝陛下寶圖御極金輪乘正瞻茲釋教載懷宣闕以爲落飾玄門外異流俗雖情牽五濁律行多虧而體被三衣福田

撰述

卷之三

九

稿

斯在削玉條之密網布以寬仁信金口之直詞允茲
 迴向斯固天祇載悅應之以休徵豈止梵侶懷恩加
 之以貞確若有背茲寬貸自貽伊咎則違大師之嚴
 訾虧聖主之深慈凡在明靈自宜譴謫豈待平反之
 律方科姦惡之罪玄奘庸昧猥廁法流每忝鴻恩忌
 懷慙惕重祇殊獎彌復兢惶但以近嬰疾疹不獲隨
 例詣闕無任竦戴之誠謹遣弟子大乘光先奉表陳
 謝以聞自是僧徒得安禪誦法師悲喜交集不覺淚
 霽襟袖不勝朴躍之至又重進表謝曰沙門玄奘言
 伏奉恩勅除僧等依俗法推勘條章喜戴之誠莫知

准譬竊尋正法隆替隨君上所抑揚彝倫薄厚儼玄
 風以興缺自聖運在睿明皇執粹甄崇道藝區別玄
 儒開不二之鍵廣唯一之轍寫龍宮於蓬閣接鷲壤
 於神臯俾夫鍾梵之聲洋溢區宇福善之業濯沐黎
 岌寔法門之嘉會率土之幸甚頃爲僧徒不整誨馭
 乖方致使內虧佛教外犯王法一人獲罪舉衆蒙塵
 遂觸天威令依俗法所期清肅志在懲誠僧等震懼
 凤夜慙惶而聖鑒天臨仁澤昭被篤深期於玄妙掩
 纖垢於含弘爰降殊恩釋茲嚴罰非其人之足措顧
 斯法之可尊遂令人納之魚復遊江漢觸籠之鳥還

御述

卷之三

卷之三

颶杳冥法水混而更清福田鹵而還沃僧等各深荷戴人知自勉庶當勵情去惡以副天心專精禮念用答鴻造伏願皇帝皇后以紹隆之功永凝百福秉慈悲之業端拱萬春震域締祥維城具美不勝舞躍感荷之至謹重附表陳謝以聞輕蹠冕旒伏增惶恐帝覽表知法師病愈遣使迎法師入安置於凝陰殿院之西閣供養仍彼翻譯或經二旬三旬方乃一出冬十月中宮在難歸依三寶請垂加祐法師啓聖體必安和無苦然所懷者是男平安之後願聽出家當蒙勅許其月一日皇后施法師納袈裟一領并雜物等數十件法師啓謝曰沙門玄奘啓垂賜衲并雜物等捧對驚慙不知比喻且金縷上服傳自先賢或無價衣聞諸聖典未有窮神盡妙目擊當如今之賜者也觀其均綵濃淡敬君不能逾其巧裁縫婉密雜縷無以窺其際便覺烟霞入室蘭固在身旋俯自瞻頓增榮價昔道安言珍秦代未遇此恩支遁稱禮晉朝罕聞斯澤唯玄奘庸薄獨竊洪私顧寵循躬彌深戰汗伏願皇帝皇后富衆多之子孫享無疆之福祚長臨玉鏡永御寶圖覆育羣生與天無極不任慙佩之至謹啓謝聞施重詞輕不能宣盡五日申後忽有一赤

撰述

文選卷三

卷六

雀飛來止於御帳奘不勝喜慶陳表賀曰沙門玄奘言玄奘聞白鳩彰瑞表殷帝之興赤雀呈符示國王之盛是知穹昊降祥以明人事其來久矣玄奘今申後酉前於顯慶殿庭帷內見有一雀背羽俱丹腹足咸赤從南飛來入帳止於御座徘徊踊躍貌甚從容見是異禽乃謂之曰皇后在孕未遂分誕玄奘深憂懼願乞平安若如所祈爲陳喜相雀乃迴旋蹀足示平安之儀了然解人意玄奘深心歡喜舉手喚之又徐徐相向乃至逼之不懼撫之不驚左右之人咸悉共見玄奘因爲受三歸報其雅意未及執捉且從其

徘徊遂復飛去伏惟皇帝皇后德通神明恩加兆庶禮和樂洽仁深義遠故使羽族呈祥神禽効質顯予孫之盛彰八百之隆旣爲曩代之休符亦是當今之靈貺玄奘輕生有幸肇屬嘉祥喜祚之深不敢緘默略疏梗槩謹以奏聞若其羽翼之威儀陽精之淳偉歷代之稽古出見之方表所不知也謹言表進已頃聞有勅令使報法師皇后分難已訖端正奇特神光滿院白庭燭天朕歡喜無已內外舞躍必不違所許願法師護念號爲佛光王法師進賀曰沙門玄奘言竊聞至道攸敷啓天人於載算深期所感誕玄聖於

1 2 3 4 5 6 7 8 9

10 1 2 3 4 5 6 7 8 9

10 1 2 3 4 5 6 7 8 9

克岐伏惟皇帝皇后情鏡三空化孚九有故能闢垂旒於二諦却走馬於一乘蘭殿初欵爰發俱胝之願挺柯在孕便結踰城之徵俾夫十號降靈弘茲攝受百神翼善肅此宮闈所以災厲克清安和載誕七花儼以承步九龍低而濯質玄門佇迹道樹靈陰雖昔之履帝呈祥捫天表異寧足以方斯感貺匹此英猷率土詠歌喜皇階之納祐繙林勇銳欣紺馬之來遊伏願無替前恩特令法服靡局常戀迴構良因且帝子之崇出處斯在法王之任高尚彌隆加以功德無邊津梁載遠儻聖澤無舛弘誓不移竊謂殫四海之

資不足比斯檀行傾十地之業無以譬此福基當願皇帝皇后百福凝華齊輝北極萬春表壽等固南山罄娛樂於延齡跋薩云於遐劫儲君允茂綏紹帝猷寵眷惟宜翊亮王室襯祿莫胤休祉日繁標志節於本枝嗣芳塵於草座玄奘濫偶丕運局影禁門貴匪德昇寵緣恩積幸屬國慶惟始淨業開基踊躍之懷塵粉無恨不勝喜賀之至謹奉表以聞輕觸威嚴伏增戰越佛光王生滿三日法師又進表曰沙門玄奘言玄奘聞易嘉日新之義詩美無疆子孫所以周祚過期漢曆遐緒者應斯道也又聞龍門洞激資源長

撰述

大藏經三藏法師傳卷之二

三

卷之二

而流遠桂樹叢生藉根深而芳藹伏惟皇運累聖相承重規疊矩積植仁義浸潤黎元其來久也由是二后光膺大寶爲子孫基可謂根深源長矣逮陛下受圖功業逾盛還淳反素邁三五之蹤製禮作樂逸殷周之軌不持黃屋爲貴以濟兆庶爲心未明求衣日良忘食一人端拱萬里廓清雖成康之隆未至於此是故卿雲紛郁江海無波日域遵風龍鄉沐化蕩蕩乎巍巍乎難得而備言矣旣而道格穹蒼明神降福令月嘉辰皇子載誕天枝廣茂瓊萼增敷率土懷生莫不慶賴在於玄英特迫恒情豈直喜聖后之平安

實亦欣如來之有嗣伏願不違前勅卽聽出家移人王之胤爲法王之子披著法服制立法名授以三皈列於僧數紹隆像化闡播玄風再秀禪林重暉覺苑追淨眼之茂跡踐月蓋之高蹤斷二種纏成無等覺色身微妙譬彼山王燄網莊嚴過於日月然後蔭慈雲於大千之境揚惠炬於百億之洲振法鼓而挫天魔麾勝旛而摧外道接沉流於倒海撲燎火於邪山竭煩惱之深河碎無明之巨殼爲天人師作調御士唯願先廟先靈藉孫祉而昇彼岸皇帝皇后因子福而享萬春永握靈圖常臨九域子能如此方名大孝

始曰榮親所以釋迦棄國而務菩提蓋爲此也豈得以東平璣璣之善陳思庸庸之才並日而論優劣同年而議深淺矣謹卽嚴衣捧鉢以望善來之賓拂座清塗用竚踰城之駕不勝慶慰顛顛之至謹奉表以聞輕觸宸威追深戰越當卽受三飯依服袈裟雖保傅養育所居常近法師十二月五日滿月勅爲佛光王度七人仍請法師爲王剃髮法師進表謝曰沙門玄奘言昨奉恩旨令玄奘爲佛光王剃髮并勅度七人所剃髮則王之煩惱落也所度之僧則王之侍衛具也是用震動波旬之殿踊躍淨居之懷弘願旣宣

景福彌盛豈謂庸賤之手得効伎於天膚凡庶之人蒙入道於嘉會上下欣抃悲喜交集竊尋覆護之重在褓所先解脫之因落飾爲始伏惟皇帝皇后道凝象外福洽區中所以光啓妙門聿修德本所願皇階納祐玉辰延和臨百億與羣下畢千萬歲奇佛光高子乳哺惟宜善神衛質諸佛摩頂增華睿哲之姿允穆紹隆之寄新度之僧荷澤旣深亦當翹勤道業專精戒行允嗣僧倫佇承取草不勝感荷之至謹奉表以聞其日法師又重慶佛光王滿月并進法服等表曰沙門玄奘言竊聞搏風迅羽累日而冲空寫月明

撰述

大慈學三藏法師傳卷

主

卷九

璣逾旬而就滿是知稟靈物表亮彩天中者固已後
 發其殊惟新厥美者矣惟佛光王資上善以締祥闡
 中和而育德自微園降誕天詞動瞻睿氣清襟寢興
 納祐玉顏秀表日夕增華自非皇帝皇后慧日在躬
 法流濯想寄紹隆於盤石啓落飾於天人其孰能福
 此祿衣安茲乳哺無災無害克岐克疑者今覩照初
 環滿月之姿盛矣蓂枝再長如蓮之目倩兮所以紫
 殿擎懷黔首胥悅七衆歸怙四門佇鑒豈唯日索後
 言鶴驂待馭而已玄奘幸承恩寵許垂蔭庇師弟之
 望非所庶幾同梵之情實切懷抱輒敢進金字般若

心經一卷并函報恩經變一部袈裟法服一具香爐
 寶子香案潔餅經架數珠錫杖潔豆檻各一以充道
 具以表私歡所冀造載弄於半璋代辟邪於蓬矢俾
 善神見而踊躍弘誓因以堅固輕用千奉寔深悚惕
 伏願皇帝皇后尊邁拱辰明兼合耀結歡心於兆庶
 享延齡於萬春少海澄輝掩丕釗而取雋寵蕃振美
 蹤間平以載馳所願佛光王千佛摩頂百福凝軀德
 音日茂善規丕相不勝感荷奉表以聞二年春二月
 駕幸洛陽宮法師亦陪從并翻經僧五人弟子各一
 人事事公給佛光王駕前而發法師與王子同去餘

80 1 2 3 4 5 6 7 8 9

90 1 2 3 4 5 6 7 8 9

100 1 2 3 4 5 6 7 8 9

撰述

大藏書三藏法師傳卷六

六

卷六

僧居後既到安置積翠宮夏四月車駕避暑於明德宮法師又亦陪從安置飛花殿其宮南接皂澗北跨洛濱則隋之顯仁宮也五月勅法師還於積翠宮翻譯法師旣奉帝旨進表辭曰沙門玄奘言伏蒙恩旨許令積翠宮翻經仰佩優渥誠深喜戴伏念違離旋增憫然玄奘功微勳府道謝德科而久棄榮章鎮荷曾覆循涯知懼臨谷匪危伏惟皇帝皇后聖哲含弘仁慈亭育故使萬類取足一物獲安而近隔蘭除聽揚鑾而悲結甫瞻茨嶺想多預而欣然伏願玉宇延和仙桃薦壽邁甘泉之清暑等瑤池之佳遊所冀溫

樹迎秋涼颸造夏候歸軒於砥陌儼幽錫於惟林稱慶萬春甘從九遊不勝感戀之極謹附表奉辭以聞荒越在顏水火交慮法師在京之日先翻發智論三十卷及大毗婆沙未了至是有勅報法師曰其所欲翻經論無者先翻有者在後法師進表曰竊聞冕旒康俗咸競前修述作窮神必歸睿后皇帝造物玄猷遠暢掩王城於侯甸光貝葉於羽凌傍啓譯寮降緝鴻序騰照千古流輝萬葉陛下纂承丕業光敷遠韻神用日新賞鑒無怠玄奘濫沐天造肅承明詔每撫膺躬恒深悚息去月日奉勅所翻經論在此無者宜

卷之三

8

8
6

先翻舊有者在後翻但發智毗婆沙論有一百卷此土先唯有半但有百餘卷而文多舛雜今更整頓翻之去秋已來已翻得七十餘卷尚有百三十卷未翻此論於學者甚要望聽翻了餘經論有詳略不同及尤舛誤者亦望隨翻以副聖述帝許焉法師少離京洛因茲扈從暫得還鄉遊覽舊塵問訪親故淪喪將盡唯有姊一人適瀛州張氏遣迎相見悲喜問姊父母墳塋所在躬自掃謁爲歲久荒頽乃更詳勝地欲具棺槨而改葬雖有此心未敢專志法師乃進表請曰沙門玄奘言玄奘不天夙鍾荼蓼兼復時逢隋亂

殯掩倉卒日月不居已經四十餘載墳壘頽毀殆將
湮滅追惟平昔情不自寧謹與老姊一人收捧遺柩
去彼狹陋改葬西原用答昊天微申罔極昨日蒙勅
放玄奘出三兩日檢校但玄奘更無兄弟唯老姊一
人卜遠有期用此月二十一日安厝今觀葬事尚寥
落未辦所賜三兩日恐不周而望乞天恩聽玄奘葬
事了還又婆羅門上客今相隨逐過爲率略恐將嗤
笑不任纏迫憂憎之至謹附表以聞伏乞天覆雲廻
曲憐孤請帝覽表允其所請仍勅所司其法師營葬
所須並宜公給法師旣荷殊澤又進啓謝曰沙門玄

撰述

金華志稿卷之六

七

卷之六

奘啓玄奘歿深豐積降罰明靈不能殞亡偷存今日
 但灰律驟改盈缺匪居墳壘淪頽草棘荒蔓思易宅
 兆亟歷歲年直爲遠隔關山不能果遂幸因陪隨鑾
 駕得届故鄉允會宿心成茲改厝陳設所須復皇帝
 皇后曲降天慈賜遣營佐不謂日月之光在瓦礫而
 猶照雲雨之澤雖蓬艾而必霑感戴屏營喜鯛兼集
 不任存亡銜佩之至謹附啓謝聞事重人微不能宣
 盡法師旣蒙勅許遂改葬焉其營送威儀無非公家
 資給時洛下道俗赴者萬餘人後魏孝文皇帝自代
 徒都洛陽於少室山北造少林伽藍因地勢之高卑

有上方下方之稱都一十二院東據嵩嶽南面少峰
 北依高嶺兼帶三川聳石巉巖飛泉縈映松蘿共簷
 簷交葛桂柏與杞梓蕭森壯婉清虛實域中之佳所
 其西臺窟爲秀麗卽菩提留支譯經處又是跋陀禪
 師宴坐之所見有遺身定塔大業之末羣賊以火焚
 之不然遠近珍異寺西北嶺下緜氏縣之東南鳳凰
 谷陳村亦名陳堡谷卽法師之生地也秋九月二十
 日法師請入少林寺翻譯表曰沙門玄奘言玄奘聞
 菩提路遠趣之者必假資糧生死河深渡之者須憑
 船筏資糧者三學三智之妙行非宿春之類也船筏

撰述

卷之三

卷之三

者八忍八觀之淨業非方舟之徒也是以諸佛具而
昇彼岸凡夫闕而沈生死由是茫茫三界俱漂七漏
之河浩浩四生咸溺十纏之浪莫不波轉烟廻心迷
意醉窮劫石而靡息盡芥城而彌固曾不知駕三車
而出火宅乘八正而適寶坊實可悲哉豈直秋之爲
氣良增歎矣寧惟孔父之情所以未嘗不臨食輟食
當寐而驚者也玄奘每惟此身衆緣假合念念無常
雖岸樹井藤不足以儔危脆乾城水沫無以譬其不
堅所以朝夕是期無望長久而歲月如流六十之年
颯焉已至念茲遄速則生涯可知加復少固求法尋

訪師友自邦他國無處不經塗路遐遙身力疲竭頃
年已來更增衰弱顧陰視景能復幾何旣資糧未充
前途漸促無日不以此傷嗟筆墨陳之不能盡也然
輕生多幸屬逢明聖蒙先朝不次之澤荷陛下非分
之恩沐浴隆慈歲月久矣至於增名益價發譽騰聲
無翼而飛坐凌霄漢受四事之供超倫輩之萃求之
古人所未有也玄奘何德何功以至於此皆是天波
廣潤日月曲臨遂使燕石爲珍駑駘取貴撫躬內省
唯深慙恧且害盈惡滿乃前哲之雅旨少欲知足亦
諸佛之誠言玄奘自揆藝業空虛名行無取天慈聖

撰述

大藏經 三藏法師傳 卷之三

三

卷之三

漢無宜久冒望乞骸骨畢命山林禮誦經行以答提
獎又蒙陛下以輪王之尊布法王之化西域所得經
本並令翻譯玄奘猥承人乏濫當斯任既奉天旨夙
夜靡寧今已翻出六百餘卷皆三藏四含之宗要大
小二乘之樞軸凡聖行位之林藪八萬法門之海澤
西域稱詠以爲鎮國方之典所須文義無彼不得譬
猶擇木鄧林隨求大小收珍海浦任取方圓學者之
宗斯爲鬚髮玄奘用此奉報國恩誠不能盡雖然亦
冀萬分之一也但斷伏煩惱必定慧相資如車二輪
闕一不可至如研味經論慧學也依林宴坐定學也

玄奘少來頗得專精教義唯於四禪九定未暇安心
今願託慮禪門澄心定水制情援之逸躁蟄意馬之
奔馳若不歛迹山中不可成就竊承此州嵩高少室
嶺嶂重疊峰澗多奇含孕風雲包蘊仁智果藥豐茂
蘿薜清虛海內之名山城中之神嶽其間復有少林
伽藍閑居寺等皆跨枕巖壑縈帶林泉佛事尊嚴房
宇開邃卽後魏三藏菩提留支譯經之處也實可歸
依以修禪觀又兩疎朝士尚解歸悔辭榮巢許俗人
猶知栖箕蘊素況玄奘出家爲法翻滯闡中清風激
人念之增媿者也伏惟陛下明踰七曜照極九幽伏

撰述

卷之三

三

卷之三

乞亮此愚誠特垂聽許使得絕囂塵於衆俗卷影迹
於人間陪麋鹿之羣隨鳬鶴之侶栖身片石之上庇
影一樹之陰守察心緩觀法實相令四魔九結之賊
無所穿窬五忍十行之心相從引發作菩提之由漸
爲彼岸之良因外不累於皇風內有增於行業以此
送終天之恩也儻蒙矜許則廬山慧遠雅操庶追剡
岫道林清徹望續仍冀禪觀之餘時間翻譯無任樂
願之至謹詣闕奉表以聞輕觸宸威追深戰越帝覽
表不許其月二十一日神筆自報書曰省表知欲晦
跡巖泉追林遠而架往託慮禪寂軌澄什以標今仰

挹風徽寔所欽尚朕業空學寡靡究高深然以淺識
薄聞未見其可法師津梁三界汲引四生智皎心燈
定凝意水非情塵之所翳豈識深之能驚道德可居
何必太華疊嶺空寂可舍豈獨少室重巒幸戢來言
勿復陳請則市朝大隱不獨貴於昔賢見聞弘益更
可珍於卽代勅旣令斷表不敢更言法師旣奉勅書
進啓謝曰沙門玄奘言使人李君信至垂賜手詔銀
鉤麗於丹字睿藻鬱彼河圖磊落帶峰岳之形郁潤
挹風雲之氣不謂白藏之暮更覩春葩之文身居伊
洛之澗忽矚崑荆之寶捧對歡欣手舞足蹈昔季童

校述

大藏經三藏部傳卷

蒙魏君之札唯叙睽離惠遠辱晉帝之書纔令給米
未覩詞兼空寂可含之旨誨示大隱市朝之情固知
聖主之懷窮真罄俗綜有該無超羲軒而更高架曹
馬而逾遠者矣但玄奘素絲之質尤畏朱藍葛蘿之
身寔希松杞思願媿烟霞於少室偶泉石於嵩阿允
避溺之情終防火之志所以敢竭愚瞽昧死陳聞庶
陶甄之慈無遺鳬鶡雲雨之澤不棄蠹蟲而明照需
臨不垂亮許仍降恩獎曲在輝資五情戰懼不知所
守旣戢來言不敢更請謹附謝文唯增悚越冬十一
月五日佛光王梓日法師又進法衣一具上佛光王

表曰沙門玄奘言玄奘聞蘭榮紫苑過之者必觀桂
茂青溪逢之者斯悅卉木猶爾況人倫乎況聖胤乎
伏惟皇帝皇后挹神睿之姿懷天地之德撫寧區夏
子育羣生兼復大建伽藍廣興福聚益寶圖常恒不
變之業助鼎命金剛堅固之因旣妙善薰修故使皇
太子機神日茂潞王懿傑逾明佛光王岐嶷增朗可
謂超周越商與黃帝比崇子子孫孫萬年之慶者也
玄奘猥以庸微時得參見王等私心踊悅誠歡誠喜
今是佛光王誕辰之日禮有獻賀輒率愚懷謹上法
衣一具伏願王子萬神擁衛百福扶持寤寐安和乳

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

輔調適紹隆三寶擢伏四魔行苦薩行繼如來事不
 勝瓊華天枝英華美茂歡喜之至謹附表并衣以聞
 輕觸宸嚴追深戰越法師時在積翠宮翻譯無時暫
 輟積氣成疾奏帝帝聞不悅卽遣供奉內醫呂弘哲
 宣勅慰問法師法師悲喜不已進表謝曰沙門玄奘
 言使人呂弘哲等至宣勅慰問玄奘所患并許出外
 將息慈旨忽臨厄骸用起若對旒冕如寘水泉玄奘
 摄慎乖方疾療仍集自違離鑾躅倍覺嬰纏心痛背
 悶骨酸肉楚食眠頓絕氣息漸微恐有不圖點穢宮
 字思欲出外自屏溝壑仍恐驚動聖聽不敢卽事奏

聞遂依門籍出至寺所病旣困勞轉篤心亦分隔明
 時乃有尚藥司醫張德志爲針療因漸瘳降得存首
 領還顧專輒之罪自期粉墨之誅伏惟日月之明久
 諒愚拙江海之澤特肆含容豈可移幸於至微屈法
 於常典望申公道以穆憲司枉獄爲輕伏鉄是俟而
 殘冤朽質仍被恩光撫臆言懷用銘肌骨自惟偃頓
 非復草常縱微下俚之憂亦盡生涯之冀但恨隆恩
 未答未命先虧仰惟帝勤親勞薄狩期於閱武情在
 訓戎旣昭仁於放麟又策勳於獻鳳遐邇慶集上下
 歡并風伯清塵山祇護野敬惟動止故極休貞申爛

懷遠

卷之三

三

卷之三

誠於十旬浹辰而返鄙宣遊於八駿密邇而旋玉乘
可佇冰懷以慰撫事廻惶終期殞越不勝荷懼之至
謹奉表待罪以聞荒懦失圖伏聽勅旨帝覽表甚歡
經三日後遣使迎法師入四事供養留連累日勅送
法師還積翠宮仍舊宣譯焉冬十二月改洛陽宮爲
東都嫌封畿之褊隘乃東分鄭州之汜水懷州之河
陽西廢殼州取宜陽永寧新安澠池等縣皆隸屬焉
法師以鄉邑增貴修表賀曰沙門玄奘言竊聞鶴首
錫秦上帝兆金城之據龜圖薦夏中畿啓玉泉之窺
是知靈貺所某皇猷顯屬昌誦由其卜遠高光所以

闡期允迪厥猷率遵斯在伏惟皇帝皇后揆物裁務
懸衡撫俗卽土中之重隩遙虞巡而駐蹕因舊制之
瓊偉儀鎬京西建郛仍以卑宮載懷改作勞於曩役
馭奔在念軫居逸於晨興自非折中華夷均一徭輪
豈能留連聖眷煥汗綸言是以令下之初山川鬱其
改觀拓制爰始烟雲霏而色動飛甍日麗馳道風清
神期盼響蕪倫郁穆若賦武昌之魚樂遷王里爭企
云亭之鶴願奉屬車旣小晉鄭之依更褊劉張之策
前王齟齬豐洛遙開我后牢籠伊咸並建麟宗克茂
鼎祚惟遠自可東晏平樂西臨建章佇吹笙而駐壽

80 1 2 3 4 5 6 7 8 9 90 1 2 3 4 5 6 7 8 9

撰述

秉在藻而流詠蕩蕩至公巍巍罕述玄獎散材莫効
貽懼增深但三川之郊猥霑故里千載之幸鬱爲新
邑華門雖翳芻命猶存喜編轂下匪慙關外況光宅
之慶遐邇所同歡聖上允安庸微所特荷不勝喜抃
之極謹奉表陳謝以聞三年春正月駕還西京法師
亦隨歸

大慈恩寺三藏法師傳卷第九

音釋

箕思尹切箕虞也 **攄**丑居切攄哿也 **蹠**古候切蹠張弓也 **蓮**徒丁切
謂架鍾磬者 **轂**張弓也 **胫**枝莖也

跂

詰利切舉丈里切

踵而望也

峙屹立也**輶**夷質切

過也

闕

渠人名

璪俱倫切頭大也 **遁**慈秋切適勁也

燭𦗔波也 **蹠**徒協切蹠波也 **珽**他鼎切

瓊蘇果切瓊也 **剗**陟旁切剗周也 **蹠**徒立切

筭貧王分切筭都繁陟立也 **蹠**徒立切

簷郎切簷當竹名繁也 **蹠**徒立切

𧈧𧈧音矛𧈧蟲也 **蹠**徒立切

𧈧𧈧音矛𧈧蟲也 **蹠**徒立切

𧈧𧈧音矛𧈧蟲也

嘉善縣居士蔣茂

大慈恩寺三藏法師傳卷六

于五個該領五兩一錢一分三厘伏願

諸根頓淨福齊圓一切有情同登正覺者

崇求寂子常孚對

禎八年孟冬月徑山化城寺識

大慈恩寺三藏法師傳卷第十

唐

沙門

慧立

本

釋

彥悰箋

起顯慶三年正月車駕自洛還西京終至麟德
元年二月玉華宮捨化

顯慶三年正月駕自東都還西京法師亦隨還秋七月勅法師徒居西明寺寺以元年秋八月戊子十九日造時有勅曰以延康坊濮王故宅爲皇太子分造觀寺各一命法師案行其處還奏地窄不容兩所於是總用營寺其觀改就普寧坊仍先造寺以其年夏六月營造功畢其寺面三百五十步周圍數里左右

撰述

方正思三元清集

卷十

通衢腹背塵落青槐列其外澆水亘其間疊疊曉耽
都邑仁祠此爲寃也而廊殿樓臺飛驚接漢金鋪藻
棟眩目暉霞凡有十院屋四千餘間莊嚴之盛雖梁
之同泰魏之永寧所不能及也勅先委所司簡大德
五十人侍者各一人後更令詮試業行童子一百五
十人擬度至其月十三日於寺建齋度僧命法師看
度至秋七月十四日迎僧入寺其威儀幢蓋音樂等
一如入慈恩及迎碑之則勅遣西明寺給法師上房
一口新度沙彌十人充弟子帝以法師先朝所重嗣
位之後禮敬逾隆中使朝臣問慰無絕覲施綿帛綾

錦前後萬餘段法服納袈裟等數百事法師受已皆
爲國造塔及營經像給施貧窮并外國婆羅門客等
隨得隨散無所貯蓄發願造十俱胝像百萬爲十俱
胝並造成矣東國重於般若前代雖翻不能周備衆
人更請委翻然般若部大京師多務又人命無常恐
難得了乃請就於玉華宮翻譯帝許焉卽以四年冬
十月法師從京發向玉華宮并翻經大德及門徒等
同去其供給諸事一如京下到彼安置肅成院焉至
五年春正月一日起首翻大般若經梵本總有二十
萬頌文旣廣大學徒每請刪略法師將順衆意如羅

什所翻除繁去重作此念已於夜夢中卽有極怖畏事以相警誠或見乘危履峻或見猛獸搏人流汗顫慄方得免脫覺已驚懼向諸衆說還依廣翻夜中乃見諸佛菩薩眉間放光照觸已身心意怡適法師又自見手執花燈供養諸佛或昇高座爲衆說法多人圍繞讚歎恭敬或夢見有人奉已名果覺而喜慶不敢更刪一如梵本佛說此經凡在四處一王舍城鷲峰山二給孤獨園三他化自在天王宮四王舍城竹林精舍總一十六會合爲一部然法師於西域得三本到此翻譯之日文有疑錯卽校三本以定之惑憇

省覆方乃著文審慎之心自古無比或文乖旨奧意有躊躇必覺異境似若有人授以明決情卽豁然若披雲覩日自云如此悟處豈妄淺懷所通並是諸佛菩薩所冥加耳經之初會有嚴淨佛土品中說諸菩薩訶薩衆爲般若波羅蜜故以神通願力盛大千界上妙珍寶諸妙香花百味飲食衣服音樂隨意所生五塵妙境種種供養嚴說法處時玉華寺主慧德及翻經僧嘉尚其夜同夢見玉華寺內廣博嚴淨綺飾莊嚴幢帳寶旛花旛伎樂盈滿寺中又見無量僧衆手執花蓋如前供具共來供養大般若經寺內衢

撰述

大藏經三部合集卷

卷十

巷牆壁皆莊綺飾地積名花衆共履踐至翻經院其
院陪加勝妙如經所載寶莊嚴土又聞院內三堂講
說法師在中堂敷演既覩此已歡喜驚覺俱參法師
說所夢事法師云今正翻此品諸菩薩等必有供養
諸師等見信有是乎時殿側有雙柰樹忽於非時數
數開花花皆六出鮮榮紅白非常可愛時衆詳議云
是般若再闡之徵又六出者表六到彼岸然法師翻
此經時汲汲然恒慮無常謂諸僧曰玄奘今年六十
有五必當卒命於此伽藍經部甚大每懼不終人人
努力加勤勿辭勞苦至龍朔三年冬十月二十三日

方乃絕筆合成六百卷稱爲大般若經焉合掌歡喜
告徒衆曰此經於此地有緣玄奘來此玉華寺者經
之力也向在京師諸緣牽亂豈有了時今得終訖並
是諸佛冥加龍天擁祐此乃鎮國之典人天大寶徒
衆宜各踊躍欣慶時玉華寺都維那寂照慶賀功畢
設齋供養是日請經從肅成殿往嘉壽殿齋所講讀
當迎經時般若放光照燭遠邇兼有非常香氣法師
謂門人曰經自記此方當有樂大乘者國王大臣四
部徒衆書寫受持讀誦流布皆得生天究竟解脫既
有此文不可緘默至十一月二十二日令弟子乘基

80 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9

撰述

卷之三

四

卷之三

奉表聞請御製經序至十二月七日通事舍人馮義宣勅垂許法師翻般若後自覺身力衰竭知無常將至謂門人曰吾來玉華本緣般若今經事既終吾生涯亦盡若無常後汝等遣吾宜從儉省可以蘧篠裹送仍擇山澗僻處安置勿近宮寺不淨之身宜須屏遠門徒等聞之哀哽各收淚啓曰和尚氣力尚可尊顏不殊於舊何因忽出此言法師曰吾自知之汝何由得解麟德元年春正月朔一日翻經大德及彼寺衆殷勤啓請翻大寶積經法師見衆情專至俛仰翻數行訖便收梵本停住告衆曰此經部軸與大般若

同玄奘自量氣力不復辦此死期已至勢非賒遠今欲往蘭芝等谷禮辭俱胝佛像於是與門人同出僧衆相顧莫不潛然禮訖還寺專精行道遂絕翻譯至八日有弟子高昌僧玄覺因向法師自陳所夢見有一浮圖端嚴高大忽然崩倒見已驚起告法師法師曰非汝身事此是吾滅謝之徵至九日暮間於房後度渠脚跌倒脰上有少許皮破因卽寢疾氣候漸微至十六日如從夢覺口云吾眼前有白蓮華大於盤鮮淨可愛十七日又夢見百千人形容偉大俱著錦衣將諸綺繡及妙花珍寶從法師所臥房室以次莊

嚴遍翻經院內外爰至院後山嶺林木悉豎幢旛衆彩間錯并奏音樂門外又見無數寶輦舉中香食美果色類百千並非人中之物各各擎來供養於法師法師辭曰如此珍味證神通者方堪得食玄奘未階此位何敢輒受雖此推辭而進食不止侍人警歎遂爾開目因向寺主慧德具說前事法師又云玄奘一生已來所修福慧准斯相貌欲似功不唐捐信知佛教因果並不虛也遂命嘉尚法師具錄所翻經論合七十四部總一千三百三十五卷又錄造俱胝畫像彌勒像各一千幘又造素像十俱胝又寫能斷般若

藥師六門陀羅尼等經各一千部供養恭敬二田各萬餘人燒百千燈贖數萬生錄訖令嘉尚宣讀聞已合掌喜慶又告門人曰吾無常期至意欲捨墮宜命有緣總集於是罄捨衣資更令造像并請僧行道至二十三日設齋覲施其日又命塑工宋法智於嘉壽殿豎菩提像骨已因從寺衆及翻經大德并門徒等乞歡喜辭別玄奘此毒身深可厭患所作事畢無宜久住願以所修福慧廻施有情共諸有情同生覲史多天彌勒內眷屬中奉事慈尊佛下生時亦願隨下廣作佛事乃至無上菩提辭訖因默正念時復口申

撰述

卷之三

七

有

誦色蘊不可得受想行識亦不可得眼界不可得乃至意界亦不可得眼識界不可得乃至意識界亦不可得無明不可得乃至老死亦不可得乃至菩提不可得不可得亦不可得復口說偈教傍人云南無彌勒如來應正等覺願與舍識速奉慈顏南謨彌勒如來所居內衆願捨命已必生其中時寺主慧德又夢見有千軀金像從東方來下入翻經院香花滿空至二月四日夜半瞻病僧明藏禪師見有二人各長一丈許共捧一白蓮華如小車輪華有三重葉長尺餘光淨可愛將至法師前擎華人云師從無始已來所

有損惱有情諸有惡業因今小疾並得消殄應生欣慶法師顧視合掌良久遂以右手而自揩頤次以左手申左脰上舒足重累右脇而卧暨乎屬纘竟不迴轉不飲不食至五日夜半弟子光等問云和尚決定得生彌勒內衆不法師報云得生言訖氣息漸微少間神遊侍人不覺屬纘方委從足漸冷竚後頃暖顏色赤白怡悅勝常過七日竟無改變亦無異氣自非定慧莊嚴戒香資被孰能致此又慈恩寺僧明慧業行精苦初中後夜念誦經行無時懈廢於法師亡夜夜半後旋達佛堂行道見北方有白虹四道從北亘

撰述

大慈惠寺三藏法師傳

卷十

南貫井宿直至慈恩塔院皎潔分明心怪所以卽念
昔如來滅度有白虹十二道從西方直貫太微於是
大聖遷化今有此相將非玉華法師有無常事耶天
曉向衆說其所見衆咸怪之至九日日凶問至京正
符虹現之像聞者嗟其感異法師形長七尺板身赤
白色眉目疎朗端嚴若表美麗如畫音詞清遠言談
雅亮聽者無厭或處徒衆或對嘉賓一坐半朝身不
傾動服尚乾陀裁唯細氈修廣適中行步雍容直前
而視輒不顧眄滔滔焉若大江之紀地灼灼焉類芙
蕖之在水加以戒範端明始終如一愛惜之意過護

浮囊持戒之堅超逾草繫性愛怡簡不好交遊一入
道場非朝命不出法師亾後西明寺上座道宣律師
有感神之德至乾封年中見有神現自云弟子是韋
將軍諸天之子主領鬼神如來欲入涅槃勅弟子護
持贍部遺法比丘見師戒行清嚴留心律部四方有
疑皆來諮詢所制輕重儀時有乖錯師年壽漸促文
記不正詮誤後人以是故來示師佛意因指宣所出
律抄及輕重儀僻謬之處並令改正宣聞之悚慄悲
喜因問經律論等心所不決者神並爲決之又問古
來傳法之僧德位高下并問法師神答云自古諸師

解行互有短長而不一准且如奘師一人九生已來
備修福慧生生之中多聞博洽聰慧辯才於贍部洲
脂那國常爲第一福德亦然其所翻譯文質相兼無
違梵本由善業力今見生覩史多天慈氏內衆聞法
悟解更不來人間受生神授語訖辭別而還宣因錄
入別記見西明寺藏矣據此而言自非法師高才懿
德乃神明知之豈凡情所測度法師病時檢校翻經
使人許玄備以其年二月三日奏云法師因損足得
病至其月七日勅中御府宜遣醫人將藥往看所司
卽差供奉醫人張德志程桃捧將藥急赴比至法師

已終醫藥不及時房州刺史竇師倫奏法師已亾帝
聞之哀慟傷感爲之罷朝數日朕失國寶矣時文武
宰僚莫不悲哽流涕帝言已嗚咽悲不能勝翌日又
謂羣臣曰惜哉朕國內失奘法師一人可謂釋衆梁
摧矣四生無導師矣亦何異苦海方割舟楫遽沈闇
室猶昏燈炬斯掩帝言已嗟惋不止至其月二十六
日下勅曰竇師倫所奏玉華寺玄奘法師已亾葬事
所須並令官給至三月六日又勅曰玉華寺奘法師
旣亾其翻經之事且停已翻成者准舊例官爲抄寫
自餘未翻者總付慈恩寺守掌勿令損失其奘師弟

撰述

卷之三

卷之三

子及同翻經先非玉華寺僧者宜放還本寺至三月十五日又有勅玉華寺故大德玄奘法師葬日宜聽京城僧尼造幢蓋送至墓所法師道茂德高明爲時痛惜故於亾後重疊降恩求之古人無比此也於是門人遵其遺命以蓬條爲轝奉神柩還京安置慈恩寺翻經堂內弟子數百人哀號動地京城道俗奔赴哭泣日數百千以四月十四日將葬湊東都內僧尼及諸士庶共造殯送之儀素蓋旛幢泥洹帳輦金棺銀柳娑羅樹等五百餘事布之街衢連雲接漢悲笳悽挽響匝穹宇而京邑及諸州五百里內送者百萬餘人雖復喪事華整而法師神柩仍在蓬條本輿東市絹行用繪綵三千疋結作涅槃輿兼以花珮莊嚴極爲殊妙請安法師神柩門徒等恐虧師素志因止之乃以法師三衣及國家所施百金之納置以前行籩條輿次其後觀者莫不流淚哽塞是日繙素宿於墓所者三萬餘人十五日旦掩坎訖卽於墓所設無遮會而散是時天地變色鳥獸鳴哀物感既然則人悲可悉皆言愛河尚森慈舟遽沈永夜猶昏慧燈光滅攀戀之痛如亾眼目不直比之山頽木壞而已惜哉至總章二年四月八日有勅徙葬法師於樊川北

原營建塔宇蓋以舊所密邇京郊禁中多見時傷聖慮故改卜焉至於遷殯之儀門徒哀感行侶悲慟切比如初嗚呼釋慧立論曰觀夫夜星宵月繼西日之明三江九河助東溟之大相資之道在物既然傳襲之風於人豈異自法王潛耀之後阿難結集已來歲越千年時逾十代聖賢間出英睿遞生各韞雄圖俱苞上智負荷遺法控御天人道制風威神領海岳或舒指而流膏液或異室而朗奇光或連屍以伏天魔或一對而廻時主或願通法於邊刹冒浪波於嶮塗或虛己以應物求裹糧而行死地終令玄津溢濱惠濟無疆既益傳燈寔符付囑考之前冊可不然哉而清源不窮今復遇法師嗣承之矣惟法師星象降靈山岳騰氣才過東箭譽美南金雅操不羣堅芳獨拔以四生爲已任建正法爲身事巍巍乎似嵩華之負穹蒼皎皎焉若琅玕之映澄海而聰機俊骨發於自然味道輕榮率由天性至夫多識洽聞之與冠恒肇而逾高詳玄造微之功跨生融而更遠滔滔乎藹藹乎實紹隆之器也神之將使像化重光於頽季之期故誕茲明德者矣法師以往今古大德闡揚經論雖復俱依聖教而引據不同評論紛然其來自久至如

撰述

大慈學三藏法師傳卷一

卷十一

黎耶是報非報化人有心無心和合怖數之徒聞熏滅不滅等百有餘科並三藏四含之槃根大小兩宗之鉗鍵先賢之所不決今哲之所共疑法師亦躊躇此文快快斯旨慨然歎曰此地經論蓋法門枝葉未是根源諸師雖各起異端而情疑莫遣終須括囊大本取定於祇洹耳由是壯志發懷馳心遐外以貞觀三年秋八月立誓束裝拂衣而去到中天竺那爛陀寺逢大法師名尸羅跋陀此曰戒賢其人體居二宗神鑒奧遠博聞三藏善四韋陀於十七地論竅爲精熟以此論該冠衆經亦偏常宣講元是彌勒菩薩所

造卽攝大乘之根系是法師發軔之所祈者十六大國靡不歸宗稟義學之徒恒有萬計法師旣往修造一面盡歡以爲相遇之晚於是服膺聽受兼諮詢所疑一遍便覆無所遺忘譬濛汜之納羣流若孟渚之吞雲夢彼師嗟怪歎未曾有云若斯人者聞名尚難豈謂此時共談玄耳法師從是聲振葱嶺名流八國彼諸先達英傑聞之皆宿構重關共來難詰鴈行魚貫轂駕肩隨其並論之詞雲屯雨至法師從容辯釋皆入其室操其戈取其矛擊其盾莫不人人喪轍解頤虔伏稱爲此公天縱之才難酬對也戒日王等見

之抃喜皆肘步鳴足傾珍供養罷席之後更學梵書
并餘經論自如來一代所說者山方等之教鹿苑半
字之文爰至後聖馬鳴龍樹無著天親諸所製作及
灰山住等十八異執之宗五部殊塗之致並收羅研
究達其旨得其文并佛處世之跡如泥洹堅固之林
降魔菩提之樹迦路崇高之塔那揭留影之山皆躬
伸禮敬備觀靈奇亦無遺矣法師心期既滿學覽復
周將旋本土遂繕寫大小乘法教六百餘部請像七
軀舍利百有餘粒以今十九年春正月二十五日還
至長安道俗奔迎傾都罷市是時也烟收霧卷景麗

風清寶帳盈衢花幢掩日慶雲垂彩於天表郁郁紛
紛庶士詠讚於通莊轟轟隱隱邪風於焉頓戢慧日
赫以重明雖不逢世尊從忉利之下闇浮此亦足爲
千載之休美也法師此行經塗數萬備歷艱危至如
涸陰沍寒之山飛濤激浪之壑厲毒黑風之氣後覘
羣並法顯失侶之鄉智嚴遺伴之地班超之所不踐
章亥之所未遊法師子爾孤征坦然無梗扇唐風於八
河之外揚國化於五竺之間使乎遐域侯王馳心輦轂遠
方僉長係仰天衢雖法師不世之功抑亦聖朝運昌感
通之力也皇帝握龍圖而纂曆應

懷述

大慈居士志注自傳卷

卷十

赤眼以君臨鰐鯨豕以濟羣生蕩雲霓而光日月正四維之絕柱息滄海之橫流重立乾坤再施鎔造九功苞於虞夏七德冠於曹劉海晏河清時和歲阜遠無不順邇無不安天成地平人慶神悅加以重明麗正三善之義克隆宰輔忠勤良哉之歌斯允旣而功窮厚載德感上玄紫芝含秀於玉階華果結英於朱閣又如西州石瑞松縣琨符紀聖主千年之期顯儲君嗣承之業鳳毛才子之句上果佛日之文歷萬古而不聞當我皇而始出豈非明靈輔德玄天福眷者焉加復遊心真際城塹五乘追思簷礪之容竚想提

河之說故使遺形紺髮煥彩來儀勝典高僧相輝而至慈雲布於六合法鼓震於三千天花將景風共飛翠霧與香烟同馥於是溺俗沈流之士望涯岸而有期清虛蹈玄之賓顧三空而非遠所謂司南啓路而衆感知方商飈襲林而羣籟自響法師盛德也如彼逢時也如此豈同雅澄懷道遇二石之兇殘安什傳經值苻姚之僞曆校之深淺卽行潦之類江湖比之明暗乃朝陽之與螢曜矣昔鍾琰旣至魏文奉賦以讚揚神雀斯呈賈達獻頌而論異在禽物之微賤古人猶且詠歌況法師不朽之神功棟梁之大業豈可

撰述

大慈學記

卷十

誠默於明時而無稱述者也立學愧往賢德非先達
直以同霑像化叨廁末塵欣慕之懷迫於恒品所以
力課庸愚輒申斯傳其清微令望之美絕後光前之
蹤別當分諸鴻筆非此所能覩縷也冀明鑒君子收
意而不哂焉贊曰

生靈感絕 大聖遷神 其能紹繼 唯乎哲人
馬鳴先唱 提婆後申 如日斯隱 朗月方陳
穆矣法師 諒爲貞士 迦秀天人 不羈塵滓
窮玄之奧 宪儒之理 濡若明珠 芬同蕙芷
悼經之闕 疑義之錯 委命諮詢 陵危踐譽

恢恢器宇 趕赳誠恪 振美西州 歸功東土
屬逢有道 時惟我皇 重懸玉鏡 再理朱囊
三乘旣闡 十地兼揚 俾夫慧日 幽而更光
曰余庸眇 幸參塵末 長自蓬門 磨雕靡括
高山斯仰 清流是渴 願得攀依 比之藤葛
釋彥悰箋述曰余觀佛教東土已來英俊賢明捨家
入道者萬計其中罕能兼善一二美者有焉至若視
聽貌言洽聞強識輕生重道絕域遐征貞操勁松筠
稚志陵金石羣雄革慮聖主迴光者於三藏備之矣
抑又聞之三藏當盛暑之晨體無霑液祁寒之際貌

撰述

大慈恩寺三藏法師傳卷第十

十一

卷十

不悽慘不夭不申不欠不曠斯蓋未詳其地位何賢聖之可格哉又北宮現疾之時徵慶繁縟將終之日色貌愁愉亦難得而測也及終後月餘日有人賈栴檀末香至請依西國法用塗三藏身衆咸莫之許其人作色曰弟子別奉進止師等若不許請錄狀以聞衆從之及開棺發殮已人覺異香等蓮花之氣互相驚問皆云若茲向人除併斂衣唯留襯服衆覩三藏貌如生人百姓號絕共視向人塗香服殮蓋棺已俄失所在衆疑天人焉余考三藏夙心稽其近跡自非摩訥薩埵其孰若之乎曰我同儕幸希景仰昂哉

大慈恩寺三藏法師傳卷第十

音釋

亹

無匪切亹亹猶連屬也

亹

篠直魚切

亹

古賣切

亹

滌水名

亹

誤也

亹

滌所簡切

亹

發輶車輪木也

亹

滌所停日

亹

猪

亹

亹

篠竹席也

亹

古賣切

亹

滌所簡切

亹

發輶車輪木也

亹

滌所停日

亹

猪

亹

猪

亹

猪

亹

猪

亹

猪

亹

猪

亹

亹

篠直魚切

亹

古賣切

亹

滌水名

亹

誤也

亹

滌所簡切

亹

發輶車輪木也

亹

滌所停日

亹

猪

亹

猪

亹

猪

亹

猪

亹

亹

篠直魚切

亹

古賣切

亹

滌水名

亹

誤也

亹

滌所簡切

亹

發輶車輪木也

亹

滌所停日

亹

猪

亹

猪

亹

猪

亹

猪

亹

亹

篠直魚切

亹

古賣切

亹

滌水名

亹

誤也

亹

滌所簡切

亹

發輶車輪木也

亹

滌所停日

亹

猪

亹

猪

亹

猪

亹

猪

亹

亹

篠直魚切

亹

古賣切

亹

滌水名

亹

誤也

亹

滌所簡切

亹

發輶車輪木也

亹

滌所停日

亹

猪

亹

猪

亹

猪

亹

猪

亹

亹

篠直魚切

亹

古賣切

亹

滌水名

亹

誤也

亹

滌所簡切

亹

發輶車輪木也

亹

滌所停日

亹

猪

亹

猪

亹

猪

亹

猪

亹

亹

篠直魚切

亹

古賣切

亹

滌水名

亹

誤也

亹

滌所簡切

亹

發輶車輪木也

亹

滌所停日

亹

猪

亹

猪

亹

猪

亹

猪

亹

亹

篠直魚切

亹

古賣切

亹

滌水名

亹

誤也

亹

滌所簡切

亹

發輶車輪木也

亹

滌所停日

亹

猪

亹

猪

亹

猪

亹

猪

亹

亹

篠直魚切

亹

古賣切

亹

滌水名

亹

誤也

亹

滌所簡切

亹

發輶車輪木也

亹

滌所停日

亹

猪

亹

猪

亹

猪

亹

猪

亹

亹

篠直魚切

亹

古賣切

亹

滌水名

亹

誤也

亹

滌所簡切

亹

發輶車輪木也

亹

滌所停日

亹

猪

亹

猪

亹

猪

亹

猪

亹

亹

篠直魚切

亹

古賣切

亹

滌水名

亹

誤也

亹

滌所簡切

亹

發輶車輪木也

亹

滌所停日

亹

猪

亹

猪

亹

猪

亹

猪

亹

亹

篠直魚切

亹

古賣切

亹

滌水名

亹

誤也

亹

滌所簡切

亹

發輶車輪木也

亹

滌所停日

亹

猪

亹

猪

亹

猪

亹

猪

亹

亹

篠直魚切

亹

古賣切

亹

滌水名

亹

誤也

亹

滌所簡切

亹

發輶車輪木也

亹

滌所停日

亹

猪

亹

猪

亹

猪

亹

猪

亹

亹

篠直魚切

亹

古賣切

亹

滌水名

亹

誤也

亹

滌所簡切

亹

發輶車輪木也

亹

滌所停日

亹

猪

亹

猪

亹

猪

亹

猪

亹

亹

篠直魚切

亹

古賣切

亹

滌水名

80

1 2 3 4 5 6 7 8 9

60

1 2 3 4 5 6 7 8 9

100

1 2 3 4 5 6 7 8 9

撰述

崇禎八年

卷之三

三

井廿四

首語

卷之三

井ノ咲四